

O KAE, KGOŠI YA BAJUDA?

6 Gomme ka kgonthé ke leboga seo. Yeo ke mpho ya ka ya mathomo ya Krisemose, kafao ke be ke leboga kudu. Gomme, gabotse, ge nka no rera bjale ntle le go leka go e bula! Ke no swana le ngwana ka ditetelo tšela tša Krisemose, go—go letela se sengwe, le a tseba, o no ikwela gore go ne semaka se sennyane gomme o no swanelo go tsena ka go sona. Gomme, le a tseba, ge ebole le ge re tšofala, ga ke nagane re lahlegelwa ke bjana bja rena bohole. A le nagana bjalo? Re no ba bana ba ba godilego. Yeo e ka ba yona.

2 Gabotse, Morena a tumišwe! Re thabile go ba ntle fa gape, mo mosong wo mokaone wo wa mokete, re lebeletše pele gó ditšhegofatšo tša Morena go tšwelapele le rena ge re eya pele ka kopanong, bjalo ka ge ke na le nnete O dirile.

3 Ke a nagana, mosong wo, ba tla ba le dimpho tsoko tša bana. Goba—goba ke... [Ngwanešu Neville o re, “Šetše a e tšere.”—Mor.] Di šetše di tšerwe, dimpho tša bana. Gabotse, seo se kaone kudu.

4 Bjale, re ka no rata go fa pego ye nnyane ya dijo kopanong ya rena ya mafelelo, ge go lokile, gomme mo nakong ye. [Ngwanešu Neville o re, “Amene.”—Mor.] Lena batho ke lena le rapelago le go swarelela go Modimo, go nna go ya ntle ka ditirelong tše. Gomme ke tla no rata go fa feela mafetšo a mannyane a—a feela dikopano tša mafelelo.

5 Ye nngwe ya ditiragalo tša go ikgetha tša kopano ya mafelelo, e be e le ka go... e diregile ka Shawano, Wisconsin. E bile ka otithoriamong ya sekolo se se phagamego, otithoriamo ye mpsha ya sekolo se se phagamego, ge re no ba komana go rapelela balwetši. Ke be ke sa tšwa go dira pitšo ya aletara, gomme ba bantši ba emišitše diatla tša bona, go amogela Kriste bjalo ka Mophološi wa bona wa sebele. Gomme gona e bile gore ke lemogile se sengwe se direga, se se bego se le thwi ntle ka go batheeletši, seripana se sennyane go tšwa go nna. Gomme e be e le monna wa e ka ba masomešupa goba masomešupa tlhano a mengwaga bogolo. O wele a hwa, o hwile ka tlhaselo ya pelo. Lehulo le phophomile go tšwa molomong wa gagwe, gomme meetse a tšwile diaparong tša gagwe. Gomme—gomme mosadimogatša wa gagwe, ka tlalelo ka kgonthé, a fogohla sefahlego sa gagwe.

6 Gomme—gomme ke tsebile yeo e be e le mathaithai a lenaba. O dira dilo tše go no dira batho ba nyame, le a bona, gomme ka gona, ge a dira seo, se ya go tlalelo. E diregile makga a mantši ka kopanong. Feel a kgauswana ka New England e diregile ka mokgwa woo gape, feela pele ga pitšo yeo.

⁷ Gomme kafao go dira batho go thantshelwa, ke . . . Ka go dinako tšeо tša mohuta, o swanetše go boloka bohlale bja gago, go bona se Moya wo Mokgethwa o tla se bolelago. Gobane, re a rutwa ka Mangwalong, gore, “Dilo tšohle di šoma mmogo go iša go lokeng go bona bao ba ratago Modimo.”

⁸ Gomme go be go le bana ba bantši ba Modimo, barati ba Gagwe. Gomme ke tšwetšepele go lebelela monna, le go bona o be a šetše a gatsetše ka molomong. Gomme . . . Gomme bjalo ka ge e ka ba mang a tseba, ge lehu le ratha motho, ka mehla meetse a a thubega, le a bona. Gomme ba . . . Gomme mosadimogatša wa gagwe, a fogohla sefahlego sa gagwe bjalo, gomme o be a no ya ka mokgwa *woo*. Goo dira batho go se mo lemoge, ke rile, “Monnamogatša wa gago, a o ka nyaka yo mongwe go mo hweletša seno sa meetse?” go hwetša šedi ya gagwe.

⁹ Gomme o rile, “Ngwanešu Branham, ke no e tlogela yohle go wena.” Gomme o be a le mo—mo Molutheran, ka kerekeleina.

¹⁰ Gomme ka gona ke naganne ke tla bitša mothalo wa thapelo, le go tliša batho godimo, go ba rapelela. Eupša, sebakeng sa go dira seo, Moya wo Mokgethwa o thoma go sepelela ntle ka kopanong, godimo ga batho, go no ba bitša. Gomme O fetile godimo ga moisa wa kgale, e ka ba gabedi. Gomme nako yeo, ka pelapela, ke rile, “Re tla no rapela.”

¹¹ Gomme ge ke thoma go rapela, ke kwele nnamong ke rapela, yeo e rilego go lehu le, “Mo tlemolle.” Gomme go se telele e boletšwe, yela, go fihla monna a tlie morago bophelong gape, gomme a phagama ka maoto a gagwe. Gomme toropokgolo ka moka e ile ka mokgwa wa tlalelo ka yona, se Morena a se dirilego.

¹² Gomme ka gona, nnete, ka dikopanong tše dingwe. Gomme taba e tee ye nnyane ke tla no rata go tsopola, e sego go tšeа nako ya lena ye ntši kudu, eupša e bile ka Los Angeles feela kgauswana. Ke be ke dula le Ngwanešu Arganbright.

¹³ Gomme ba bantši ba lena le tseba ka fao go lego mafelong, batho ba a letša. Go na le batho ba ba hlokago. Ga re ahlole batho bakeng sa go letša le go nyaka thapelo. Woo ke mošomo wa rena, ke go rapelela batho bale.

Gomme go be go no šiiša fale, gobane re bile le dilo tše dintši tše kgolo tšeо Morena Modimo a di dirilego. Gomme, yo motee, fao go be go le monna wa segole, o be a golofetše mengwaga ye masomepedi le metšo, gomme a robetše ka mpetianeng wa gagwe. Gomme Morena Modimo o fodišitše monna, gomme o tlie a sepela go tšwa kopanong. Gomme seo se thomile khuduego ye nnyane magareng ga dikereke.

¹⁴ Ka gona, mosong wo mongwe, ke kwele mogala o lla. Gomme Ngwanešu Arganbright, yo ke bego ke dula le yena, o be a sa no ba ka gare ka nako yeo, go topa mogala. Gomme ke topetše mogala godimo le go o araba, gomme e be e le mo—mo moromiwa

yo monnyane wa Momexican. Gomme o rile, “Ke be ke sa tsebe gore—gore o be o le ka toropong, Ngwanešu Branham.” O rile, “Ke—ke—ke a tseba gore o ya go ba le kopano bosegong bjo, tlase felotsoko go leba Cow Palace.” Gomme o rile, “Ke na le mošemane yo monnyane yo a sego a be a ba dikgwedi tše tlhano.” Gomme o rile, “O a hwa, ka kankere.” Gomme o rile, “Ke a tseba ga se setlwaedi go dira se, eupša,” o rile, “a go ka ba le kgaogelo e hwetšwago, gore o tla tla le go rapelela mohlankana yo monnyane?” Eleletša, go ka reng ge e be e le lesea la gago?

¹⁵ Gomme ke—ke rile, “Ke tla ba le Mna. Arganbright a etla mogaleng, gomme o no mpotša, a nke...mo hlahlele moo septelele, gobane ga ke tsebe toropokgolo yeo gabotse.” Disekwere maele tše makgolonne tša toropokgolo; nka se tsoge ka hwetša septelele.

Mna. Arganbright o tlide. O rile, “Ngwanešu Branham, wena...”

Ke rile, “Ke ikwela ka kgontha ke hlahlwa gore se ke sa Moya wo Mokgethwa.”

¹⁶ Kafao re ile tlase toropongkgolo, gomme fale septeleleng. Gomme ngwanešu wa Momexican, le ge a be a se yo moso, a se yo moswana go feta ka fao ke lego, le monna ka mokgwa wo mongwe wa mengwaga ya ka. Gomme mosadimogatša wa gagwe e be e le mosadi wa Mofinnish, hlogopudutšwana ye nnyane, mohumagadi wa go ratega kudu. Gomme o be a le mokgomana. Gomme re ile ka septelele.

¹⁷ Gomme, oo, ke bona diponagalo tše ntši, bohole re a dira, seo se a re šitiša le go tliša maikutlo a rena, eupša yeo e bile ye nngwe ya tše mpempe nkilego ka di bona. Ba ile ba swanelo go tliša mohlankana yo monnyane go...kgauswi le kamora ya mooki, le mooki wa go ikgetha. Gomme, ge ke lebeletše, kankere e be e phatlalatše mehlagareng ya gagwe ye mennyane, bokgole bjo, ba be ba swanetše go bea lešela go dikologa hlogo ya lona, go thibela gore le se thunye hlogo ya lona go bulege. Gomme ka mehlagare ya lona ye mennyane, moo ngaka a lekilego go ripa kankere, le go dira melete ye megolo, morago le pele, ka mokgwa *wo*, tsela yohle go dikologa mogolo wa lona wo monnyane. Gomme e ile ya no *gakatša* kankere, gomme ke ile ka e bitša lentšu leo, le go e “phatlalatša”, lentšu la maleba le be le tla ba. Gomme e ile ka lelemeng la lona le lennyane, le molomo wo monnyane wa lesea, e sego godimo ga bophara *bjoo*, leleme le lennyane le be le rurugile le go kitimela ntle e ka ba bokgole *bjoo*, gomme la fetoga boso, gomme ye e tswalelago moyo moo le hemilego fase go tšwa mašobeng a dinko tša lona.

¹⁸ Gomme papa yola o sepetshe go dikologa, ka lehlakoreng la lesea le lennyane le, gomme o rile, “Halo, Ricky.” O rile, “Mošemane yo monnyane wa Papa! Papa o tlišitše Ngwanešu

Branham go go rapelela, Ricky.” Gomme lesea le lennyane le lemogile tatago lona.

¹⁹ Gomme—gomme le be le se ne go hema go itšego godimo *fa*, kafao ba ile ba swanela go sega molete mogolong wa gagwe. Go be go le ye nnyane, e be e no lebega bjalo ka nakana ye nnyane ya nkogoko ye re bego re na le yona mengwaga ya go feta, e be e le ka mogolong wa lona wo monnyane. Gomme le be le swara mohemo wa lona go kgabola nakana yela. Gomme mooki o ile a swanela go dula fale nako yohle gobane kankere, e ela, e be e tla dumelela . . . go thiba molete wo monnyane wo. Gomme o be a swanetše go e gogela ntłe, ka mokgwa *woo*, kelelotšhila ya kankere go tšwa go kankere. Gomme matsogo a lona a mannyane a be a le ka go dithuši, kafao o be a sa kgone go swara *se* ka diatla tša lona, go se gogela ntłe ge le be le kgamega. Gomme mooki fao nako yohle. Ge le thomile go kgamega, o be a tla obeletša fase, go tšea dilo le go goga selo sa kankere go tšwa go nakana ya sona ye nnyane fale moo e tlago go kgabola mogolo wa lona.

²⁰ Gomme diatla tša lona tše dinnyane, ka mokgwa *wo*, a obeletša bakeng sa papagwe, hlogo ya lona ye nnyane morago. Gomme ya lona ye nnyane . . . Gabotse, re banešu le dikgaetsedi. Kobo ya gagwe ye nnyane, e be e se . . . Lesea le lennyane, gohlegohle, le be le se botelele *bjoo*. Le se bogolo bja dikgwedi tše tlhano, gomme selo se sennyane sela se lemogile papago sona! Gomme o rile, “Ricky, mošemane yo monnyane wa papa!” Oo, bjang, e no tološa pelo ya monna wa tshipi. Gomme o be a leka go bapala le lona, goba go le phaphatha, ka mokgwa *wo*.

²¹ Gomme nna, ke eme fale, ke naganne, “Morena Jesu, ge O le Mothopo wa kwelobohloko yohle, gomme kgaogelo yohle e letše ka gare ga Gago, a O ka hwetsa thabo go tšwa go boneng morategi yo monnyane yo a robetše mo, a ehwa ka mokgwa *woo*? Ke no se kgone go dumela, gomme nka se tsoge ka dumela, gore yeo ke—gore yeo ke thato ya Ramaatlakamoka Modimo, go bona se sebjalo ka seo.” Ka gopola, “Ke wena Mothopo wa kgaogelo. Gomme ge O le Mothopo wa kgaogelo, gona O ka dira bjang, a O ka ba Modimo wa kgaogelo gomme wa ipshina go boneng se sengwe boka seo?” Ka gopola, “O be O tla dira eng ge O be o eme mo?”

²² Gabotse, ke a holofela gore sehlopha sa ka se sennyane fa se ntseba gabotse go lekanelo, go tseba gore ge eba ke lehlanya ga ke e tsebe. Ge e ka ba eng ke nyakago go ba, ke go botega. Ge ke kopana le Modimo, ke nyaka go kopana le Yena ka pelo ya go botega, gomme ke dirile bokaonekaone bjo ke tsebago mokgwa wa go bo dira.

²³ Eupša Sengwe se boletše le nna ge ke rile, “Morena, O be o tla dira eng ge O be o eme mo?” Se sengwe se boletše morago, se rile, “Ke letile go bona se o tla se dirago.”

²⁴ Gomme ge ke lebeletše selo se sennyane sela, ke tšere seatla sa lona se sennyane sa lesea, e sego bophara *bjoo*, gomme ka se bea ka gare ga menwana ya ka, ka mokgwa *wo*, le go se swara. Gomme ke rile, “Ka tumelo go Modimo, ke bea gare ga kankere ye le lesea, Madi a Morena Jesu Kriste,” gomme ka no retologa go dikologa le go sepelela ntle. Tate o tlie pele le nna. Ke be ke no se kgone go bolela gape.

²⁵ Gomme ka ya koloing, gomme a re, “Ngwanešu Branham, ſedi dikarolo tše nnyane tsha lesome ke bego ke go boloketše.”

²⁶ Ke rile, “Oo, ngwanešu wa kgaogelo, o se ke wa dira seo.” Ke rile, “Aowa. Ga ke tšeet tšelete.”

²⁷ O rile, “Eupša ye ke dikarolo tsha lesome tseo di yago go bodiredi.” O rile, “Ke e bolokile, ke naganne ke tla go bona letſatši le lengwe.”

²⁸ Ke rile, “E bee godimo ga tefelo ye nnyane ya Ricky ka kua.” Ke rile, “Yena, o tla hloka yeo.” Gomme kafao ke ile godimo ntlong.

²⁹ Gomme mo diiring tše pedi go tloga nako yeo, mehlagare ye mennyane e be e boetše morago, e phelegile, leleme le tla morago fase ka molomong wa gagwe. Kgaogelo ya lerato ya botho, Tate wa go rata o be a bone go swanetše go fodiša lesea. Mosong wo o latelago, lesea le be le eya go romelwa gae, bakeng sa lesea le le fodilego.

³⁰ Gomme ge ke be ke no ba komana go tloga... Nnete, seo se phatlaletše go Lebopo la Bodikela. Gomme fa ngaka tsoko ya go tuma o be a rometše setlogolo sa gagwe moragorago godimo ka morago ga Pasadena, gomme a thibile tsela fale, go rapelela ngwana yola; moo a le filego tšhwana ya phenisilini, e dirile kankere go tla ka lehlakoreng la lona, lesea le lennyane nthathana, e ka ba ye mebedi.

³¹ Gomme kafao yo monnyane yo, moromiwa wa Momexican o leditše, gomme o rile, “Ke—ke swanetše go bona Ngwanešu Branham pele ke tloga.” Gomme mosadimogatša le nna re be re ſetše re le ka koloing.

³² Gomme ke ile ka swara hlapi, mengwaga ye mmalwa ya go feta, go theoga Noka ya Go Se Boe, le Banna ba Kgwebo ba Bokriste. Walt Disney, seholpha sela ntle kua, se bile le yona, mmeakanyamatlalo, gobane ke rekoto ya lefase, ya hlapi ya molataladi. Gomme ke be ke e lokiſetša ka koloing.

³³ Gomme fao go bile se—se seteiſenewakone se sennyane se rotogilego, ka morago, gomme ntle go tabogile yo monnyane yo, tate wa Momexican. Gomme megokgo e kitima go theoga marama a gagwe, ge a kitimela godimo le go ubula kefa ya gagwe; le mosadimogatša wa gagwe yo monnyane wa Mofinnish. Gomme o rile, “Ngwanešu Branham, karolo yela ya lesome še yeo Morena a go rometšego.”

“Oo,” ke rile, “ngwanešu!”

O rile, “O a tseba, Ricky o ya gae lehono.”

³⁴ Gomme ke rile, “Ke leboga seo” O . . . Ke rile, “Eupša ke go boditše go tšea di—di dikarolo le—le go di bea godimo ga pili ya Ricky.”

³⁵ O rile, “Seo e no ba se ke swanetšego go go botša ka sona, Ngwanešu Branham.” O rile, “Ge ke ile go patela ngaka, mosong wo, ke beile tše, tšelete ye godimo go yena. Ke rile, ‘Ngaka, ke nyaka go go lefa ye nngwe mo piling.’ O rile, ‘Morena, ebile o se e bolele go nna. Ga o nkolote selo.’ O rile, ‘Seo ke selo se segologolo nkilego ka se bona se dirwa bophelong bjhohle bja ka.’ O rile, ‘Yeo ke tiromatlaba ya tiromatlaba!’ O rile, ‘Ga o nkolote peni.’”

³⁶ Go no ya go bontšha gore Modimo yo a phelago o sa phela. Gomme bjale pele re bula ya Gagwe . . . Oo, go ne dilo tše dintši gape di diregilego. Ke duma ge nkabe ke na le nako go le botša, eupša nako e ka se e dumelele.

³⁷ Gomme bjale, thwi ka morago ga la pele la ngwaga, Janaware, ke tloga go ya mošwamawatle gape. Ka gore . . . Ke tla ba ka Kingston, Jamaica, ka—ka ditherekeng tša mokato, bakeng sa ka Janaware, gomme go tloga fao go ya Puerto Rico, le go ya pele.

³⁸ Kafao a re inamišeng dihlogo tša rena feela nakwana, ka thapelo, go wa rena yo mogolo, Kriste wa lerato.

³⁹ O Morena, Wena o bile sebo sa rena ka go moloko wo mongwe le wo mongwe. Wena o yona thušo ye e lego gona ka nako ya bothata. Gomme go tseba gore Bogona bja Gago bja go ratega ga bo tsoge bja palelwa, Bo ya pele ga rena. Gomme re a rutwa gore Barongwa ba Modimo ba dikaneditše bao ba Mmoifago.

⁴⁰ Tliša godimo ga rena, lehono, Morena, poifo yela ya bomodimo, gore re ke re tsebe gore re balatedi ba seatla sa Gago, gomme o tla ema letšatši le lengwe ka go kahlolo Kgethwa ya Gago. Gomme go na le kalfati e tee feela re tsebago ka yona, le gore Lentšu la Gago le ruta ka yona, ao ke Madi a Morwa wa Gago Jesu, seo se re direla dipoelano, mosong wo, ka Bogeneng bja Ramaatlakamoka, go re tliša ka go poelano go Yena, ka mediro ya Gagwe. Gomme ka gona o filwe rena, mogau wo o sego wa fiwa magomo, gomme re Mo ratela se. Gomme ge re . . .

⁴¹ Ka monaganong wa rena go robetše makgolo a dilo tše kgolo tše O di dirilego. Gomme se segologolo go tšohle, re ka naganago ka sona, ke ge O re phološitše go tšwa bophelong bja lehu, moo ka go rena go dutšego lehu ka lebaka la sebe le dikarogo. Eupša ka go amogela tshwarelo ya Gagwe, go ya ka Lentšu la Gagwe . . . Ka gore go ngwadilwe, “Yo a kwago Mantšu a Ka, gomme a dumela go Yo a Nthomilego, o na le Bophelo bjo bo sa hwego.” Gomme re a Le dumela, gomme re Le amogetše, le go hlatsela Bogona bja Moya wo Mokgethwa.

⁴² Gomme bjale ka go ye mpe ye ya mafelelo, diiri tša mafelelo tša histori ye ya lefase le, re leboga Wena, O Modimo, go tseba gore; ge go na le kgakanego ye ntši kudu ya monagano, “Gomme batho ba kitimela pele le morago,” bjalo ka ge O boletše ka baprofeta ba bakgethwa, gore, mo letšatšing le, “go tla tla nako yeo banna ba tla yago go tloga Bohlabela, go tloga Bodikela, Leboa, le Borwa, ba nyaka go kwa Lentšu la Modimo la therešo.” Gomme re phetše go bona nako yeo.

⁴³ Gomme O akanyeditšepele gore go tla ba le nako, go tloga papolong ya Gago go fihlela go Tleng ga Gago, “Letšatši le e ka se bego bošego goba mosegare. E tla ba leutu, nako ya leutu,” feela Seetša sa go lekanelo go bona mokgwa wa go ya tikologong. Eupša O rile, “Nakong ya mantšiboa, go tla ba le Seetša,” Morwa wa go swana, Kriste wa go swana, yo a tsogilego go lefelotiragalo ka Bohlabela. Gomme go ya ka thutafase, letšatši le tshela karolo ya go phekama ya lefase, gomme bjale le dutše ka Bodikela, eupša ke letšatši la go swana le le tsogilego ka Bohlabela. Kafao Morwa wa Modimo wa go swana o romela pele Moya wa Gagwe ka go matšatši a a mafelelo, go laetša gore Mangwalo a Gagwe a ka se kgone go robja, le lengwe le le lengwe Le swanetše go phethagatšwa.

⁴⁴ Mo mantšiboeng a Krisemose ye kgolo ye, ge, bonnyane re a tseba eupša ye e ka no ba ya mafelelo ya tše re ka tsogego ra dula mmogo ka go tšona. Gomme re tla kgopela gore Morwa wa Modimo yo a phelago o tla dula magareng ga rena mosong wo, le go bolela le rena botho bja Gagwe le kgaogelo ya Gagwe, le go re fa tebalelo ya dibe tša rena.

⁴⁵ Gomme re ka se lebale, Morena, bao ba tlaišegago le go hloka kgwatho ya phodišo ya Gago, Modimo wa go swana Yo a dumelatšego Ricky yo monnyane go phela, o tlišitše bahu morago, bjalo ka ge O tshepišitše gore O tla dira mo letšatšing la mafelelo. Gomme Mantšu a Gago ke therešo. Re a dumela gore O mo mosong wo, motlalaghohle, gomme o feta go rata go dira bontši go fetiša, ka godimo ga tšohle re ka di kgopelago goba ra di nagana. Re letetše Wena, Tate, Leineng la Morena Jesu, Morwa wa Gago. Amene.

⁴⁶ Bjale, bošegong bjo, ge Morena a rata, ke duma go ba le tirelo ya boebangedi. Go no se tsebe tlwa gabjale moo Molaetša wa ka o tla bago, bjalo ka ge modiša wa rena wa mogau le go ratega o nkgopetše go ba le ditirelo tše pedi lehono. Gomme ke tla leka seo, ka mogau wa Modimo. Gomme ke nyaka go bolela ka Mesia yo a tlago, goba se sengwe sa taba yeo, bakeng sa bošego bjo, goba taelo yeo.

⁴⁷ Mosong wo, ka gore e be e le Kri- . . . Lamorena feela pele ga Krisemose, Ke tla rata go bolela ka se sengwe seo ke dumelago ba bannyane, ba ba sa tšwago go phatlalatšwa le go tšea maemo

a bona ka kerekeng, ba tla kgona go kwešiša; ya se sennyane, se re tla se bitšago, sehlogo sa Krisemose.

⁴⁸ Gomme lena ba le hlologelago go phetla ka go Mangwalo a makgethwa, le tla phetla le nna go Ebangedi ya Mokgethwa Mateo, tema ya 2, ge re bala Lentšu la Gagwe.

⁴⁹ Gomme le se lebale, ditirelo di tla thoma ka masometharo a šupa. Yeo ke nnete, a ga se yona, ngwanešu? [Ngwanešu Neville o re, "Masometharo a šupa. Ee."—Mor.] Masometharo a šupa, tlwa, bošegong bjo. Gomme e tla ba tirelo e ka ba ya iri, tirelo ya go rera.

⁵⁰ Gomme bjale lena ba le nago Dibeibebe tša lena di bulegile, ke tla no rata go bala temana goba tše pedi go tšwa go ye, bakeng sa se—se sehlogo, le go rapela gore Modimo o tla re fa kgwekgwe.

Bjale ge Jesu a tswetšwe ka Bethlehem ya Judea ka go ya kgoši...ka matšatšing a Herode kgoši, bonang, go tlide banna ba bohlale go tšwa bohlabela go ya Jerusalema.

Ba re, O kae yo a tswetšwego Kgoši ya Bajuda? ka gore re bone naledi ya gagwe ka bohlabela, gomme re tlide go mo khunamela.

⁵¹ Ba swanetše go be ba be ba lapile gampe. Le a bona, ta—ta taelo e be e le tšhoganetšo. Gomme e be e le taelo ya kgoši, kagona e swanetše go phethagatšwa. Gomme go tla bonala go se tlwaelege, gore tiragalo ye kgolo bjalo ka ge re lebeletše, Krisemose ya mathomo, gore taelo ye bjalo e be e tla neelwa ka nako yeo. Eupša, le a tseba, Modimo wa Legodimo o kgethetsepele dilo tšohle, ka Jesu Kriste, le gore se sengwe le se sengwe se swanetše go šoma feela go ya ka thato ya Gagwe ye kgolo. Gomme ge ba eme fale, feela ka lehlakoreng la bodikela la Bethlehem.

⁵² Ge o etla godimo, go tšwa tlase ka Judea, o phagamelia godimo ga thaba, le leganata la maswika, naga ya tšhwalalanyo. Gomme go hlahlwa go tšwa go wo mongwe wa mekgotha kgolo ya Bethlehem, go ne tsela ye nnyane yeo e rotogago godimo ka kua ga thaba, ye e bitšwago tsela, gomme ga e fete feela mohlala wo monnyane boka re ka o hwetša fa, moo diphoofolo di gatilego. Gobane, e be e le mohlala wa ditonki, moo ditonki le dikamela di fetago, go ya tlase ka Judea, go tšwa Bethlehem.

⁵³ Gomme ge o namelela, o etla go tšwa Judea, godimo go ya ka Bethlehem, le go phuleletša ka godimo ga ntlhora ya thaba, go na le leswika le legolo le robetše fale, ka mokgwa wo mongwe bogolo bja tee tharo ya moago wo. Gomme go swanetše go ba go bile mmogo e ka ba fale, moo ba emego, ka morago ga go namela thaba, go fa moula wo monnyane khutšo. Gomme Josefa o be a lapile kudu gobane o be a kgoromeleeditšwe thata letšatši leo, go fihla Bethlehem.

⁵⁴ Gobane, go bile le taelo e ilego ntle go tšwa go Herode le Kesara Agostose, gore motho yo mongwe le yo mongwe o swanetše go tla morago lefelong moo ba tswetšwego, go patela motšhelo. Gomme metšhelo ka mehla e bile tshenyego ya ditšhaba tšohle. Setšhaba se sengwe le se sengwe se kilego sa wa, se wele ka metšhelo wa sona. Gomme ba be ba lefišwa motšhelo.

⁵⁵ Gomme, oo, go tla tšea monna wa pelo ya tshipi, go dira mosadi, ka leemong la gagwe, go swanelwa ke go tšeelwa ka ntle ga ntlo le kgole go tloga gae, ka leemong la gagwe, ka baka la gore le a bona gore o be a swanetše go ba mme ka nako efe kapa efe. Gomme o be a no ba mosetsana, go batamela... dumetšwe go ba ka go lesomeseswai la gagwe, bogolo bja mengwaga ye lesomesenyané. Gomme o be a dutše godimo ga tonki ye nnyane, gomme ge tonki ye nnyane e fegelwa ge ba eme lebakana feela go khutša.

⁵⁶ Gomme Josefa o sepelela godimo ntlheng, go tloga moo ba bego ba eme, gomme o lebelela tlase ka Bethlehem. Bonnyane lefase le be le sa tsebe gore bošego bjoo go be go tla opelwa godimo ga dipounama tša batho go kgabola mabaka ao a bego a etla! Gomme Josefa, ge a lebeletše le go bona toropokgolo, le go gwaba ga batho, ba bangwe kgahlanong le go patela metšhelo ya bona, gomme ke kgona go mo kwa a bolela se sengwe boka se, “Morategi, o a tseba, ke a belaela ge eba re tla hwetša lefelo ka hoteleng, bošegong bjo, bakeng sa gago. Ke kgona go bona batho ba robetše mekgotheng le e ka ba kae ba kgonago go hwetša, go robala. Toropokgolo e pitlagane. Gomme dikgao tšohle tikologong, di tlide ka gare bakeng sa motšhelo wo.”

⁵⁷ Eupša, go a tlaba, ge a retologa ka go makalo, go lebelela, mosadimogatša wa gagwe yo monnyane o bonagetše a sa kgone go araba. Gomme ge a retolla hlogo ya gagwe, go bona se se diregilego go yena, o etše hloko gore go be go le seetša ka sefahlegong sa gagwe, go swana le ka fao a sega a ke a bona pele. Gomme ka tlase ga dintšhi tša gagwe tša go ratega, mahlo a gagwe a be a bonala a tsepeletše godimo, a lebeletše thoko ya lefaufaung, boka go be go le go kganya ya legodimo ka sefahlegong sa gagwe. Gomme o a retologa gomme o mo kgwathha ka seatla.

⁵⁸ Gomme mafelelong o a mo lebelela, gomme o re, “Josefa, a o lemogile Naledi yela e lekeletše mošola? Go bonala e le naledi ye botsebotse kudu ye nkilego ka e bona ka go bophelo bjohle bja ka. E bonala go bonega motse wohle wa Bethlehem.” Gomme ke kgona go mo kwa a re, “Ge e sa le letšatši le sobetše, ke lemogile Naledi yela, gomme E bonala e re latetše.”

⁵⁹ Josefa, ke kgona go mo kwa a bolela se sengwe boka se: “Ee, morategi, ke—ke bona se sengwe sa moswananoši, ka gore E bonala go ba naledi ya go kganyakganyi ka magodimong ohle.” Gomme ka therešo yeo ke nnete.

Ke Yena Lili ya Moeding, Naledi ya Moso,
 (Bjalo ka ge moreti a e beile.)
 Yo mokaonekaone kudu wa dikete tše lesome
 go soulo ya ka.

⁶⁰ Gomme ge a tšea diatla tša gagwe, ka bonolo, go dikologa matsogo le letheka la moratiwa wa yo monnyane, le mosadimogatša, o mo phagamišitše go tloga go tonki, a mo rwalela godimo, gomme a mmea fase godimo ga leswika, gore sebata se sennyane sa morwalo se kgone go khutša.

⁶¹ Gomme ge a beile matsogo a gagwe ka boleta go dikologa magetla a gagwe, ke kgona go mo kwa a bolela se sengwe boka se, “Josefa, bobedi re a lemoga gore sohle se se a makatša. Re no se kgone go se kwešiša. Eupša, bobedi bja rena go beng badumedi, re a tseba gore Jehofa o ne se sengwe se bolokilwe. Gomme gore O re kgethile; gomme o nkgethile, ka godimo ga basadi ba lefase lehono, go ba le molaetša wo o fihlilwe ka pelong ya ka.” Le a bona, lefase le naganne yola e be e le ngwana wa hlabo go tswalwa, eupša Maria o tsebile se e bego e le therešo.

⁶² Gomme, lehono, batho ba bantši ba naganne selo sa go swana, gore, “Batho ba ba amogetšego Kriste yo,” ba naganne gore, “ke bona mohuta tsoko wa sesoswana, goba motho wa tumo ye mpe.” Eupša bao ba beputšego Moya wola le Tumelo yela ka pelong ya bona, ba tseba mo ba lego. Ga go selo se tshwenyago Yeo.

⁶³ Mogwera yo mobotse wa ka o nteeditše matšatši a se makae a go feta, gomme o be a bolela le motho yo a ithutago saekolotši le—le mo—mo monagano. Gomme motho yo o be a badile puku ya ka, gomme ba rile, “Ge a le motho wa semoya, a le a tseba gore go no ba tlhale e tee ye nnyane magareng ga batho ba semoya ba go teba le bogafa?” Gomme motho o bile a ke re go tširoga.

⁶⁴ Ke rile, “Le se nagane seo go tlaba. Morena wa rena o biditšwe go tshereana. Barutiwa ba Gagwe bohole ba biditšwe go tshereana. Gomme bohole bao ba Mo rapetšego ba biditšwe go tshereana. ‘Ka tsela ye e bitšwago bohlanya,’ go boletše Paulo yo mogolo, ‘ke rapela bjalo, Modimo wa botate.’” Ga ba tshereana. Eupša, lefase, theroy Ebangedi ke bošilo go bao ba senyegago. Eupša go kgahlile Modimo, ka botlaela bjo, go phološa bale ba tla dumelago.

⁶⁵ Gomme ge ba, banyalani ba bannyane ba, ba dutše fale le go lebelela ntle go kgabaganya moedi wola, gomme ba bone Naledi ye kgolo ye e phadima ka Bohlabela; tsela, dimaele tše makgolo bokagodimo ga fao, morago ntle go kgabaganya dithaba, le mawatlie, godimo ka India, go be go le Babohlale ba bogetše le bona.

⁶⁶ Bjale, banna ba bohlale ba re bolelago ka bona, ba biditšwe... Ka kgonthe ke Dihlalefi, e lego baithutadinaledi ba ba šetšago dinaledi. Ba be ba bitšwa, nako yeo, “banna ba bohlale.” Gomme ba sa phela lehono. Ke boletše le bona, makga

a mantši. Gomme ka mehla ba ya ka tharo, gobane tše tharo di swanetše go dumelana. Gomme tharo ke tiišetšo. Gomme ka India, kgauswana, ke be ke ba bona ba dutše ka mekgotheng, ba tatagane mmogo, ba apere feela tlwa boka Sehlalefi se sa pele. Ga ba fetoge.

⁶⁷ Gomme ke barapedi ba Modimo yo motee wa therešo. Ke bana ba Abraham, ka mosadi yo mongwe. Gomme ba dumela gore go na le Modimo o tee wa therešo. Ke makga a makae ke bonego baprista ba Mohammedan ba betha moropa wo mogolo ka mokgwa *woo*, le go goelela, “Go na le Modimo yo motee wa therešo gomme yo a phelago, gomme Mohammed ke moprofeta wa Gagwe.”

⁶⁸ Re re, “Go na le Modimo o tee wa therešo le go phela, gomme Jesu ke Morwa wa Gagwe.”

Gomme ba re, “A go be kgole go Modimo go ba le Morwa!”

⁶⁹ Ke bile le monyetla go bona e ka ba dikete tše lekgolo di etla go Kriste, ka nako e tee, ka baka la Bogona bja Gagwe le se A se dirilego ka India.

⁷⁰ Bjale, Maindia, ba re ba bitšago banna ba bohlale, ba bile pele, ka Beibeleng, ba emetšwe bjalo ka Bameda le Baperesia. Le tla e hwetša ka go tema ya bobedi ya Daniele. Leo, ke lebaka leo moromiwa a rego, “Go bothatha kudu go retolla Mohammedan go tloga go tumelo ya gagwe, go ya go Bokriste ka gobane ba tšwa go Bameda le Baperesia ba kgale bao melao ya bona e sa fetogego goba go tshelwa. Bontši bja lena babadi ba Beibele le tseba seo, Bameda le Baperesia, gore ba be ba sa fotoše melao ya bona. Ge se sengwe, kgoeletšo e dirilwe, e swareletše gosafelego. Kagona ge Mohammedan a dira go phuleletša ga gagwe go Bokriste, se sengwe le se sengwe se hwile go yena, gobane o robile melawana ya bona.

⁷¹ Gomme banna ba, ba ile ba letela Modimo yo motee wa therešo, gomme ba Mo rapela ka seetša sa mollo wo mokgethwa. Gomme ba be ba eba tikologong ya mello ye le go letela Morena. Gomme ba bantsi ba bona ba be ba na le mabogatšalefaufau, se sengwe go swana le ge re na le sona lehono, gomme ba be ba tla ya mafelong a godimodimo ka dithabeng, gomme ba be ba tla šetša mosepelo wo mongwe le wo mongwe wa dinaledi. Ba tteleima, gore, “Pele Modimo a dira e ka ba eng lefaseng, ka mehla O e bontšha legodimong pele.” Gomme ba a rereša.

⁷² Ka mehla, Modimo o e bontšha ka maswao a legodimo, pele. Ge e sa le A kile a dira e ka ba eng yeo A sa bontšhago leswao la legodimo, pele? Naganang ka yona, ka go lebaka le lengwe le le lengwe le le nyakago, gomme Modimo ka mehla o laetša maswao legodimong, pele, pele A dira e ka ba eng lefaseng. E tšwa go tša kagodimogatlhago, e rothela ka tlhagong, gomme e dirwa go bonagala; lebaka le lengwe le le lengwe, nako ye nngwe le ye nngwe.

⁷³ Gomme kafao nako ye e be e se phapano. Gomme ba Bohlale ba be ba šeditše mebele yeo ya legodimo ye e bego e bonala, dinaledi, dikgwedi, le se sengwe le se sengwe ba bego ba kgona go se bona ka mahlo a bona. Gomme ba tsebile maemo a mangwe le a mangwe, feels moo naledi ye nngwe le ye nngwe e dutšego. Ba tsebile tšupamabaka yela ya moithutadinaledi gabotse bjalo ka ge re tseba Mangwalo. Gomme ge selo se tee se sennyane se tšwele lebopong, ba a se tseba, ka gore ke leswao. Gomme ba be ba šeditše maswao ale, sekgauswi, iri ye nngwe le ye nngwe ya bošego. Ba e šeditše. Ga go makatše Mosetsebje a tšwelelago magodimong o be a tla ba dira bohole ba tshwenyege! Ga go makatše Moeti o ba šikintše, nthathana! Gobane, ba tsebile ye nngwe le ye nngwe ya dinaledi tšela, gomme ba ithutile tšona, ka sesaense, le go tšwa go mosepelo wo mongwe le wo mongwe.

⁷⁴ Gomme ba be ba tla kgobokana go dikologa mollo wo. Gomme ba e goteditše ka oli ye kgethwa, gomme wa tuka, gomme ba be ba tla šetša ka kua, gobane ba dumetše, gore, “Modimo o be a le Mollo wo o jago.” Gomme ke Yena.

⁷⁵ Le a bona, ka go Ditiro, tema ya 10 gomme temana ya 35, Lengwalo le bolela gore, “Modimo ga a hlomphe motho, eupša O amogela batho e ka ba bomang ba ba tla Mmoifago gomme ba tla Mo hlomphago, ga go kgathale se ba lego.” Bao ke lena Mamethodist, le Mabaptist, le Presbyterian, Lutheran, goba—goba Makatoliki, goba e ka ba eng le ka bago. Ge o hlokofetše ka pelong ya gago, Modimo o tla go fa sebaka, go go tliša ka go Seetša se Sekgethwa sa kgaogelo ya Gagwe. Yena ke Modimo, gomme O tlemega ka tshepišo ya Gagwe. Gona go tšwa go wena, se o se dirago ka morago ga ge o Se amogetše; gona o ka kgona go emela kahlolo. Eupša go fihlela nako yeo, ga o ne boikarabelo, o sepela ka go tšohle o di tsebago.

⁷⁶ Kafao Babohlale ba, gomme ba be ba eya godimo, ka morago ga go rapela go dikologa sebatlabadimo se sekgethwa sa mollo, bjalo ka ge o tuka, gomme ba šeditše ka go dikgabo tša wona tše kgethwa, le go makala ge eba tšhušumetšo ya Modimo yola Yo a bego a le Mollo wo o jago... “Bogona bja Gagwe, lefase le tla senyega.” Ge a lebeletše ka go yeo, gona o be a tla hwetša tšhušumetšo ya gagwe. Morago o be a tla sepelela godimo ka toreng, gomme o be a lebelela go dikologa, go bona ge eba e ka ba eng e be e šuthile. Gomme ba dirile se, ngwaga ka morago ga ngwaga, letšatši ka morago ga letšatši, iri ka morago ga iri, miliniamo ka morago ga miliniamo. Ba šeditše dinaledi, mebele. Gomme ba be ba tliša disekorolo ntle gomme ba be ba di bala.

⁷⁷ Gomme go swanetše go ba go bile bošegong bjo bo itšego bjo, gore ba be ba ahlaahla ka ga go—go wa ga mmušo le go phuhlama ga mebušo, le ka fao lefase le phagametšego godimo ka mafelong le go phuhlama gape, le go ya pele, gore go bile le sekrolo se ntšhitšwe. Gomme se swanetše go ba e bile Puku ya Daniele. Gomme ba be ba ahlaahla se sengwe fale, seo Daniele a

se boletšego, “Go tla ba le Letlapa le kgomotšwego thabeng, ntle le diatla.”

⁷⁸ Gomme go swanetše go ba go bile ge ba be ba sa nagana ka se, gomme mello ye mekgethwa e tuka, gore ba diregile go lemoga gore go be go le Mosetsebje magareng ga bona, se sengwe seo ba bego ba sa kgone go se arabelela. Ga go le setee sa diskorolo tša bona se boletšwego ka Yona. Ga go le setee sa dingwalwa tša bona se boletšego eng kapa eng ka Yona, eupša E be e le fale! Ga se ba kgona go E gana. Ba šeditše mebele ya legodimo, gomme ba tsebile gore se sengwe sa kagodimogatlhago se diregile.

⁷⁹ Oo, O lokile kudu! O tla swara šedi ya motho yo mongwe le yo mongwe yoo A mmeetšego Bophelong, mohlomongwe ka ditsela tša bona beng tša go rapela. Eupša Yena ke Modimo, gomme O tseba dipelo tša batho, gomme O a ba šetša, gomme O a ba šireletša, gomme O ba tliša lefelong! “Ge botebo bo bitša Botebo,” go swanetše go ba Botebo bjo bo arabago pitšo. Ge monna a nyoretšwe selo se sengwe, go laetša gore fao go na le Selo se sengwe ntle kua go arabela, go timola lenyora leo.

⁸⁰ Bjalo ka ge ke fela ke bolela: pele go ka ba le lefegwana mokokotlong wa hlapa, go bile le meetse pele go yena go thutha ka go wona, goba o be a ka se be le lefegwana go thutha ka lona. Pele go ka ba mohlare go mela lefaseng, go swanetše go ba lefase, pele, goba go ka se be mohlare.

⁸¹ Mengwaga ye mengwe ya go feta, ge ke be ke ithuta yona, ke etše hloko ka seripana ka go kuranta, moo mošemane yo monnyane a jago dirabara go tšwa go diphensele ka sekolong. Gomme letšatši le lengwe mmagwe o mo hweditše ntle mathuding a ka morago, a eja terapo go tloga go paeskela ya gagwe. Gomme o maketše bothata e be e le eng ka mohlankana yo monnyane. O mo išitše kliniking, bakeng sa tlhahlobo. Ge ba be ba sa hlodišiša mmele wa gagwe wo monnyane, dingaka di hweditše gore o be a hloka salefa. Gomme salefa e ka go rabara. Kagona, pele go ka tsoge gwa ba le tumo ka go tshepedišo ya gagwe, bakeng sa salefa, go be go swanetše go ba salefa go arabela go tumo yeo, goba o be a ka se tsoge a ba le kganyogo.

⁸² Gomme pele go ka ba tlholo, go swanetše go ba Mohlodi go dira tlholo yela.

⁸³ Monna goba mosadi ofe ka fa lehono, mošemane goba mosetsana, ke mang a sa hlologelago bophelo? Mpotseng ba ba hwago, lehono, ba ba sego ba hlologela bophelo, go phela go ya go ile, gomme ke tla go laetša motho wa segafa yo a sa tsebego, ka gore ga go selo se segologolo go feta bophelo.

⁸⁴ O tla fa eng lehono, ge o ruile lefase le tšohle tša dithoto tša lona? O tla e fa ka boikgantšho, go phela go ya go ile, le go ba mohlaki. Bophelo! Ke ba bakae ba lena batho ba go tšofala le ka neelago se sengwe le se sengwe seo le nago naso, go ya morago go lesogana goba lekgarebe gape? Monna yo mongwe le yo mongwe

o nyaka seo. Ka baka la eng? E felotsoko, goba o ka se tsoge wa duma seo.

Lena batho ba go babja gobaneng le le ka fa, lehono, ge le le? Le nyaka eng? Ke eng e le dirago go tla bakeng sa thapelo? Gobane go ne se sengwe ka go lena! Ga go kgathale ke kereke efe o lego wa yona, ke sekibo sefe o kibilwego ka sona, ga se na selo go dira le lona. O motho. O sebopša sa Modimo. Gomme go na le Se sengwe ka go wena, seo se go gogelago felotsoko. Gomme ka kgonthe bjalo ka ge go na le kgogedi ka pelong ya gago, ka morago ga ge ngaka mohlomongwe a go hlobogile, gore go sa na le dikholofelo. Go swanetše go ba mothopo wa mahumo a Modimo, wa Maatla a Gagwe a phodišo, o bulega felotsoko, goba o ka se tsoge wa E duma. E swanetše go ba felotsoko!

⁸⁵ Ge le hlologela go bona gore Jesu, ge se sengwe se go dira o hlologele go bona Jehofa, O felotsoko goba o ka se tsoge wa ba le tlhologelo yela. Modimo o no ba go loka go wena bjalo ka ge A le go banna ba bohlale goba go e ka ba mang. Ge o Mo hlologetše, “Ba lehlogenolo ke bao ba swerwego ke tlala le go nyorelwa toko, ka gore ba tla tlišwa go Mothopo woo fao ba ka kgonago go nwa karolo ye e kgotsofatšago.”

⁸⁶ Go ka no ba batho ba ehwa fa. Ga o nyake go hwa, o ikwela gore fao go na le selo se sengwe se go šaletšego. Ke ka baka leo o lego mo. Go ka no ba mahlanya, moo ebole o ka se kgonego go tliša monagano wa gago mmogo; eupša se sengwe tlase ka go wena se a go botša, “Go na le Sengwe seo se ka go mpušetša morago thwi gape.” Go ka no ba le bommategogwana ba ba sepetšego mokgotheng, ka dihlong; go ka no ba basadi ba ba phetšego go se loke go banna ba bona, le go thuba dikenos tša bona tša lenyalo; go ka no ba banna ba ba lego digatamorokwana tša ditagwa, ba dirile se sengwe le se sengwe se lego ka go tšupamabaka ya sebe; eupša Selo se sengwe se a go botša gore go Mothopo felotsoko.

⁸⁷ O ka no ba Mokatoliki, o ka no ba Mojuda, o ka no ba e ka ba eng o lego, eupša o motho yo a dirilwego ka seswantšho sa Modimo. Gomme O goga go wena, o a go bitša, gomme o etwapele feela bjalo ka ge banna bale ba bohlale ba ile ba etwapele.

⁸⁸ Gomme ge ba be ba ithuta, le go lebelela mošola le go bona Seetša sela, ba be ba sa kgone go hlaologanya se Se bego se le. Gomme a re naganeng gore ba . . . Letšatši la go latela ba robetše fase, go robala. Ba be ba tshwenyegile, gomme ba tšwetšepele ba Se šeditše. Gomme yo mongwe wa bona o swanetše go be a bile le toro, Bilidada, re be re tla re o bile le toro. Gomme o lorile gore go be go le seprofeto se se rilego, “Go tla ba le Naledi ya Jakobo e tsoga. Gomme felotsoko go kgabaganya, magareng ga Bajuda, go na le Kgoši ya lesea ye e swanetšego go tswalwa. Gomme Seetša sela seo le se bonago bjale se tla le tliša go Seetša sa go phethagala seo se tla bonegago motho yo mongwe le yo mongwe yo a nyakago Seetša, yo a tlogo ka lefaseng.”

⁸⁹ Le a bona, ga go kgathale se bodumedi bo bego bo le gona, ge ka kgonthe ba boifa Modimo, Modimo o tlamegile go ba tliša go Seetsa se. O ba tliša ka tsela ya bona beng.

⁹⁰ Nako ye nngwe O ba tliša ka ditlaišego. Nako ye nngwe O a ba tliša . . . Le a tseba, mo matšatšing a a mafelelo, O profetile gore ba tla ka ditlaišego. O dirile selalelo se, gomme ka gona ga go—ga go yo motee a tlago, gomme ka gona O rile, “Eyang ka go ditselalephefo le ka ditseleng, gomme le hwetše dihlotša, digole, difofu, le bahlokofatšwa, ka gore ditaafola tša Ka di tla tlatšwa.”

⁹¹ O ba nyaka go tšwa go mosepelo wo mongwe le wo mongwe le khona ye nngwe le ye nngwe ya bophelo, mogohle, ba sepela ka Moya ka go matsatši a a mafelelo, go ba tliša mmogo. Dikerekemaina tšohle, le bohole bao—bao ba hlologelago bophelo, ba ne tokelo go O amogela, go sepela ka Bogoneng bja Gagwe, bja Sephedi sa Gagwe sa letago, ka gore Yena ke Morwa wa Modimo yo a phelago, Naledi ya Moso e sa phadima magareng ga rena, bjalo ka ge ka mehla A phadimile.

⁹² Seetsa sela sa go swana seo se rathilego Paulo tlase, tseleng ya gagwe go ya Damaseko! A hlokofetše ka pelong ya gagwe, a leka go hlomara sehlopha sa batho ba ba bego ba le godimo kudu, ba goelela, ba dira lešata le lentši kudu; o ile tlase go ba rathela fase, gomme o naganne o be a nepile. Gomme fao go be go eme Pilara yela ya Mollo ka tseleng ya gagwe, yeo ya go mo rathela fase. O goeeditše, “Saulo, o Ntlhomaretšeng?”

O rile, “O Mang, Morena?”

O rile, “Ke nna Jesu,” Jehofa yo a bego a fišega ka yena.

⁹³ O be a fišega ka Jehofa. O be a sa tsebe selo ka Jesu, feela, “O be a le mo—mo mosenyi.” Eupša Modimo o mo romile, gomme a ba moromiwa yo mogologolo kudu yo lefase le kilego la mmona. Gobaneng? O be a hlokofetše; o dumetše. Modimo o mo etilepele ka Seetsa.

⁹⁴ Le nagana seo se re dira re ikwele eng lehono, bjalo ka Bakriste, go bona ebile seswantšho sa Gagwe? Gomme ke na le yo motee bjale yo a phadišago seo, ka makga a makgolokgolo. Eupša Jehofa Modimo yola wa go swana o rometše Seetsa sa Gagwe, pele ga go Tla ga Morwa wa Gagwe lekga la bobedi, go re etapele, go re homotša, le go re tliša ka Mothopong woo; gore re ke re hlatswe go tšwa dibeng tša rena, le go hlweka ka tokong ya Morwa wa Gagwe, Morena Jesu, le go ba barwa le barwedi ba Modimo, ba ba tswetšwego ka boswa ka Moya wa Modimo, wo o fetolago.

⁹⁵ Tswalo e ra gore re fetotšwe go tloga go go naganeng ga rena, re fetogile go tloga go mekgwatebelelo ya rena, re fetotšwe ke se sengwe seo se diregilego, ka gare. Ga go bodumedi lefaseng, ga go meetse a a lekanetšegeo, ga go na meletlo goba dithero tša

go lekanelo, tše di ka go fetolago. Go tše Madi a Morwa wa Modimo, Jesu Kriste. O ka se kgone go itlhwekiša wenamong, ka go tšoena kereke, go feta lepogo le ka kgona go latswa dipatso tša gagwe go tloga go yena. Bontši ge a latswa, di ba go phadima kudu. O no di bontšha. Ka go tšoena dikereke le go leka go dira mediro ya gago mong, o no bontšha go hloka ga gago, ga tlala ka bokagare, se sengwe seo se segó sa be sa tlatšwa le bjale. Tlogela go leka; e no amogela. O go etepele go ya Seetšeng.

⁹⁶ Gomme bjalo ka batho ba ka toro ye, gore ba swanetše go rapela Lesea le, ba swanetše go tloga. Gomme e be e le banna ba go huma. Gomme ba kgobokeditše mahumo a bona le go a bea ka go mafa, a se sebjalo ka seorelo, gauta, le mira. Ba bararo ba ile, bakeng sa hlatse. Gomme ba rwešitše dikamela tša bona disala, gomme ba tšwele, ba latela Naledi. Ba swanetše go be ba ile ka kua godimo ga thaba, ba tla tlase gomme ba tshela Noka ya Tigris ka sebong, le tlase ka moeding wa Siniara. Gomme Naledi e be e ba etilepele go ya Jerusalema.

⁹⁷ Ka gore, Jerusalema ka mehla e bile setulo sa bodumedi sa lefase, ka gore Kgoši ye kgolo e be e dula fao. E be e le ka toropongkgolo ye e swanago, fao go bego go le Kgoši Yo a go kopana le Abraham a etšwa polaong ya dikgoši, gomme Leina la Gagwe e be e le Melekitsedeke. “Ga se A be le tate goba mme; go se mathomo a matšatši, goba bofelo bja bophelo.” Le mopatriaka, Abraham, o lefile sa lesome, sa lesome, go Yena. “Ga go tate, ga go mme; ga go nako A kilego a thoma, goba ga go nako ye A ka tsogego a fela.” Ke Kgoši ye kgolo e tšwago Salema, e bego e le Jerusalema.

⁹⁸ Gomme Naledi e etilepele banna ba bohlale ba thwi go ya go setulo sa bodumedi sa lefase, eupša, selo sa go nyamiša e bile, ge ba fihla kua, ga se ba tseba selo ka Yona. Gomme banna ba bohlale ba ba ile godimo le tlase mekgotheng. Naledi, ka pela ge ba fihlile Bethlehem... Ka pela ge ba fihlile Jerusalema, E timile, ka fao Yona ga se ya ba hlahlala gape. Modimo o be a dira eng? Go no laetša... ka fao batho ba ka kgonago go hwetša.

⁹⁹ Efela, ka go thutamodimo yohle ya rena le dikereke tša rena tše kgolo, le—le go ya pele, lehono, ge Seetša se segolo sa Modimo se thoma go phadima, kereke ga e tsebe selo ka Sona. Vatican e tseba eng ka dilo tše? Mekgatlo ya kereke e tseba eng? Ga go selo! Re ka go Krisemose ye nngwe.

¹⁰⁰ Banna ba ba tsebile gore ba bone se sengwe. Ba tsebile gore go be go le se sengwe seo se diregilego. Ka gore, ba ithutile mebele ya legodimo, gomme mo go be go le Mosetsebje, gomme ba be ba etilwepele ka go tlaba. Gomme bjale, ka toropongkgolo, ba ya godimo le fase mekgotheng ye mengwe le ye mengwe ye menyane, ba goelela, “O kae Yo a tswetšwego Kgoši ya Bajuda? Re bone Naledi ya Gagwe ka Bohlabela.”

¹⁰¹ Bjale, ba be ba le ka Bohlabela, ba bone Naledi ya Gagwe ka Bodikela. Eupša ba rile, “Ge re be re le ka Bohlabela,” makgolo a dimaele. Le a bona, go ba tšere mengwaga ye mebedi go dira leeto.

¹⁰² Ke a tseba seo se rapalatša tše dingwe tša dithuto tša lena, eupša ke Therešo. Go ba tšere mengwaga ye mebedi go dira leeto. Ga se ba tsoge ba tla boka ba ba bitšwago Bakriste lehono, ba na le lesea la bona le lennyane ka legopong le robetše fale, gomme banna ba bohlale ba etla. Seo ke ditšiebadimo tša Bokriste. Ga ba tsoge ba tla go lesea ka legopong. Ga go Lengwalo le rego ba dirile. Ba tlie go Ngwana yo moswa, mengwaga ye mebedi bogolo. O be a se ka legopong. O be a le ka ntlong. Balang Lengwalo ka moka. Eupša ditšo tša Bokriste, oo, ba na le lefase lohle le kamakile ka dithuto tša bona.

¹⁰³ Gobaneng Herode a bolaile bana, mengwaga ye mebedi bogolo, gona, ge A be a no ba segotlane? Lengwalo le rile ba tlie go “Ngwana yo moswa,” e sego lesea; “Ngwana yo moswa,” mengwaga ye mebedi bogolo. Gomme Herode o ile go bolaya bana, go mengwaga ye mebedi bogolo, go leka go Mo hwetša; nkabe go bile masea, o be a se a swanelo go tšea ba mengwaga ye mebedi bogolo, feela masea.

¹⁰⁴ Ga se ba ke ba Mo hwetša ka legopong; ba Mo hweditše ka ntlong. “Gomme ge ba etla ntlong, ba hweditše Ngwana le Maria.” Eupša le bona ka fao ba E phetlago go dikologa.

¹⁰⁵ Ga go makatše! Mašego a se makae a go feta, ke be ke rera se Jesu a se boletšego go Bafarisei bale, “Le tšere ditšo tša lena, gomme le dirile melao ya Modimo ya go hloka maatla.”

¹⁰⁶ Ka gona ba a goelela, “Modimo o kae?” O ka kgona bjang go dumela Modimo ge o sa dumele Lentšu la Gagwe, gomme wa re, “Modimo yola wa Beibele o kae?” Boelang morago go Yena ka tsela ye A lego, yeo ke tsela e nnoši le ka tsogego la Mo tseba. Tsela še.

¹⁰⁷ Ba ile godimo le tlase mekgotheng, ba goelela, “O kae Yena? O kae Yena yoo a tswetšwego Kgoši ya Bajuda? Ka gore re bone Naledi ya Gagwe ge re be re le ka Bohlabela, gomme re tlie go Mo rapela.”

¹⁰⁸ Oo, ke kgona go bona ba bangwe ba baprista ba re, “E re, bahlomphegi, o swanetše go be o theeditše sehlopha sa mahlanya felotsoko. O swanetše go be o theeditše thutamodimo ya yo mongwe ya lefeela.”

¹⁰⁹ Bona banna ba ka be ba rile, “Aowa, mohlomphegi! Re E bone e šoma. Re a tseba gore Ke kgonthe. Gomme E re etilepele bokgole bjo. Eupša ga re kgone go E hwetša gape, gomme ye ke toropokgolo ya kgoši.”

¹¹⁰ A ga go makatše? Kereke ye kgolokgolo lefaseng, batho ba bantši, efela ga se ba tsebe selo ka Yona. Gomme ge seo e se seemo

sa go swana sa batho mo lefaseng ka go Krisemose ye, seemo sa go swana! Ga go yo a bilego le karabo. Ga se ba kgone go hwetša karabo.

¹¹¹ Gomme mafelelong gwa befa kudu! Ba e be e le banna ba bahumi, o be o ka kgona go bolela ka tsela ye dikamela tša bona di bego di apere. Gomme ga se ba ke ba tloga mokgotha wo motee; mokgobana wo mongwe le wo mongwe, ba ile ba goelela, "O kae Yena? O kae Yena? O kae Yena?"

¹¹² Gomme lehono ka dipomo tša athomo di lekeletše mošola ka mafegong, lehono ge lefase le le ntlheng ya phedišomoka ya go felela, gomme moloko wo wa batho go senyega ka motsotswana; ka karogano ya kgogedi e tee, bontši setšhaba e ka ba sefe se sennyane se ka sobetsa lefase.

¹¹³ Ka kopanong ya borasaense, letšatši le lengwe, ba rile go be go le leutu. Gobaneng, pomo ya athomo ke sethunya sa setswalelo, go se ba nago naso bjale. Gomme ditšhaba tše dingwe di na le yona. Ge Pentagon e ka tsoge ya lokolla se ba nago naso, go ka se be moyo wa Krisemose o šetšego, batho ba tla be ba kitimela ka letšhogo ka mekgotheng, ba goelela le go lla. O ka se kgone go utama. Ga go tsela ya go khuta.

¹¹⁴ Bofelo bo bjale. Re bofelong, maswao le matete a a tšwelela, Mesia o iponagatša Yenamong ka Moyeng.

¹¹⁵ Moya wola, o etla tlase go kgabola lebaka, go itira Yenamong bontši le bontši, go fihla mafelelong a tswalwa ka go Monna yola wa go phethagala.

¹¹⁶ Bjale go kgabola mabaka a Methodist, Baptist, Presbyterian, Pentecostal, le tlase bofelong, gomme bjale Lona šele le bonagaditše feela pele A bowa ka mmeleng wa nama, Yena yola wa go phethagala; a gogela Kereke ya Gagwe mmogo, a ba tliša ka ntle ga kerekela ye nngwe le ye nngwe, se sengwe le se sengwe, a ba tliša go Yena, gobane ka pela O tla tšwelela. Gomme dikereke ga di na le karabo.

¹¹⁷ Kafao Kgorotsheko ya Sanhedrin e bileditšwa ka gare, ke Herode teteraka, gomme dikgorotsheko tša tla mmogo. Gomme ba tlišitše baprista le borabi. Ba rile, "Balang Mangwalo. Mesia yo o tswalwa kae?" go boletše kgoši.

¹¹⁸ Gomme selo sa go tlaba, le tseba moo ba Mo hweditšego? Ka go seprofeto sa Mika. "Wena, Bethlehem ya Judea, a ga o yo monnyennyane magareng ga dikgošana tšohle tša Juda? A ga se wena mopshikologimokgethwā? A ga se wena yo mo—mo—mo monyennyane go bona bohole? Eupša go wena go tla tšwa Mmušiši wa batho ba Ka." Fao ke mo ba e hweditšego.

¹¹⁹ Gomme kafao banna ba bohlale, ge ba kwele seo, ba tšwile kgorong! Gomme ka pela ge ba tlogile go lela la kgale, la go tonya, la go kgeloga, lefelo la go itlhophha, šele Naledi e lekeletše gape. Naledi e be e le fao. Gomme Beibebe e rile, "Ba

ile ba hlalala ka lethabo le legolo go fetiša.” Oo, nka no re ba goeeditše gannyane, ge ba hweditše, gore Sela sa go šegofala sa Kagodimogatlhago seo ba se bonego, ge ba tšwetše ka ntle ga tšona tša kgale, tša go tonya, ditsela tše fomale, E tšweletše gape. E be e le fao.

¹²⁰ Gomme E ba etilepele go ya Bethlehem, moo ba hweditše Yena yola, moo Yena, Yo a bego a le Imanuele, o be a godišeditše ka lebenkeleng la mmetli, modiidi. Gomme ba fološitše se sengwe le se sengwe ba bilego le sona, gomme ba se beile maotong a Gagwe. Gomme ba Mo khunametše gobane ba a tseba Seetša se ttile, gomme Mophološi wa lefase o be a tswetšwe. Ba file, ba file se sengwe le se sengwe ba bilego le sona, gobane Modimo o be a file!

¹²¹ “Modimo o ratile lefase kudu,” mogwera, yoo ke wena le nna, “gore O neetše ka Morwa wa Gagwe a tswetšwego a nnoši, gore mang le mang,” Methodist, Baptist, Presbyterian, mohlokamodimo, eng kapa eng o lego yona, “mang kapa mang a dumelago ka go Yena, a se ke a senyega eupša a be le Bophelo bjo Bosafelego,” se o se nyakago. Eba le Bophelo!

¹²² Gomme mo diiring tše re phelago ka go tšona, le go tla ga kgauswi ga Sephedi sa Gagwe gape, lefaseng, ge le ka hlokomela Mangwalo.

¹²³ Lebelelang yo Josefa a bego a le, lebelelang Moya wa Kriste ka go Josefa. A hloilwe ke baena ba gagwe gobane o be a le wa semoya, o bone dipono, eupša a ratwa ke tatagwe. A yoo e be e se Jesu? O rekišitše ka e ka ba diripana tše masometharo tša silibere, ke baena ba gagwe, boka Jesu a bile. O ekilwe, boka Jesu a bile. O lahletše ka mokoting, go hwa, boka Jesu a bile. O phagametše godimo le go ba seatla se setona sa Farao, ga go motho a bego a ka kgona go tla go Farao ntle le ka Josefa. Gomme ge Josefa a ile pele go tšwa—pele go tšwa seatleng se setona sa Farao, ba goeeditše, “Thinyang letolo, gobane Josefa o etla!”

¹²⁴ Beibele e boletše, gore, “Ge A etla, boka legadima le phadima go tšwa Bohlabela go ya Bodikela, gore letolo le lengwe le le lengwe le tla thinya, gomme leleme le lengwe le le lengwe le tla ipolela Yena ke Morwa wa Modimo.” Ditšhaba tšohle di tla bokolela le go roromela ka nako yeo.

¹²⁵ E be e le eng? E bonagaditše kgauswiuswi, e ttile ntle ka go Dafida, kgoši. Gobane, O be a le bobedi Mopropeta, Moprista, le Kgoši; gomme ge Dafida a be a tlošwa bogosing le go ganwa, ka Jerusalema, boka Jesu a bile, Dafida o dutše godimo ga thaba, kgoši ye e gannwego, ke batho ba gagwe mong, gomme o lletše Jerusalema. Gomme Morwa wa Dafida o ttile gomme a dula godimo ga thaba ye e swanago, Kgoši ye e gannwego ka toropongkgolo ya Gagwe Mong, gomme a llela Jerusalema, a re, “Ke gakae Ke bego ke go alamela, bjalo ka kgogotshadi e dira matswiana a yona, eupša ga se wa nyaka.”

¹²⁶ Ba Mmiditše eng? “Beletsebubu, mmolelelamahlatse, moya wo mobe.”

¹²⁷ Ge bodiredi bja Gagwe bo thoma, go bile le motheadihlapi wa kgale a tlišitšwe go Yena, yo ebole a bego a sa kgone go saena leina la gagwe mong. Gomme a lebelela go motheadihlapi yola wa kgale, gomme A mmotša gore leina la gagwe e be e le mang. Gomme A mmotša gore leina la tatagwe e be e le mang. Motheadihlapi yola wa kgale o Mo dumetše, ka pelo ya gagwe yohle.

¹²⁸ Gomme yo mongwe a eme fale, o sokologile, ka leina la Filipi. Gomme o ile go dikologa thaba, dimaele tše masometharo, gomme a hwetša yo motee ka leina la Nathaniele, ka tlase ga mohlare, a rapela. O rile, “Etla, bona Yo re mo hweditšego. Ke a tseba o modumedi yo mogolo ka go Jehofa. Ke a tseba o yena. Eupša Jehofa o tshepiša Mesia, gomme re Mo hweditše. O no ba Monna wa mehleng, ga go selo se segolo ka Yena. Fao ga go selo se se kokomogago le go rutega ka Yena. Ke Mmetli.” O be a le—O be a le Mmetli, bobedi materiale le soulo ya monna.

¹²⁹ Gomme Nathaniele o mo lebeletše, o rile, “Bjale ema motsotso, a go ka ba le e ka ba eng e botse e tšwago Nasaretha?” Le a bona, ba be ba e lebeletše go tšwa Jerusalema.

¹³⁰ Fao ke mo bontši bja lena le lebeletšego lehono. Le se ke la lebelela kua. Diabolo ka mehla o šomiša hlogo ya motho le mahlo a gagwe. Modimo o šomiša pelo ya gagwe. O a lebelela gomme wa re, “Oo, e no se kgone go ba. E no se kwagale. Le a bona, nka kgona go bolela, nka kgona go e lebelela.” Fao ke mo diabolo a robetšego. Diabolo o šomiša mahlo a motho. O dirile seo go Efa, mo mathomong, gomme o e dirile ge e sa le.

¹³¹ Eupša, Modimo o botša motho O a phela, ka pelong ya gagwe, gomme pelo ya gago e go dira o dumele dilo tše o sa kgonego go di bona. Gobane, “Tumelo ke kholofelo ya dilo tše di holofetšwego, bohlatse bjo o sa bo bonego.”

¹³² Kgonthe, kereke ye kgolo ye le batho bohole ba yona ba bagolo, dimilione tšohle tša yona go dikologa lefase, e laola maatla a lefase, e swanetše go ba ye kgolo. O se ke wa lebelela seo.

Ke Moya, Moya!

Nathaniele o rile, “A e ka ba eng e botse e ka tlago?”

O rile, “Wena etla, o bone.”

¹³³ Gomme ge A mmone a etla, Jesu o mo lebeletše, gomme O be a eya go dira leswao la Gagwe la Bomesia godimo ga gagwe. Yena o rile, “Bonang Moisiraele, yo ka go yena go sego bomenetša!”

¹³⁴ O rile, “O ntsebile neng, Rabi?” Seo se mo makaditše. “O ntsebile neng?”

¹³⁵ O rile, “Pele Filipi a go bitša, ge o be o le ka tlase ga mohlare, Ke go bone.” A ka kgona bjang go mmona, dimaele tše masometharo go dikologa thaba, letšatši pele?

¹³⁶ Go yo mohlololo o dirilwego go yena, o lebeletše godimo gomme o rile, “Rabi, Wena o Morwa wa Modimo. Wena o Kgoši ya Israele.”

¹³⁷ Jesu o rile, “Ka gobane Ke dirile se pele ga gago, gomme o a se dumela, o tla bona se segolwane go feta se, ka gore go tla ba nako ye e tlago ge le tla bona Barongwa ba Legodimo ba theoga.”

¹³⁸ Go be go eme bale kgauswi, go le bjalo, e be e le ditswerere. E be e le ba kereke ye kgolo, ba—ba be ba sa kgone go itirolla ka bobona. Ba rile, “Monna yo ke mmolelelamahlatse. Ke Beletsebubu. O tshereane. Ke Mosamaria yo a nago le moyo wo mobe go Yena. O a gafa.” Ba Mo tsebagaditše go gafa, phatlatatša.

¹³⁹ Gomme Jesu o rile, “Gobane le bolela seo go Nna, Ke tla le lebalela bakeng sa sona. Eupša go tla tla nako ge Moya wo Mokgethwa o tla ba lefaseng, gomme o tla dira selo sa go swana seo Ke se dirago.” “Lentšu le tee kgahlanong le Wona le ka se tsogela lebalelwa ka lefaseng le goba lefaseng le le tlago.” [Lefelo la go se be le selo godimo ga theipi—Mor.] Naganang ka seo! Lentšu le tee kgahlanong le Wona, ke sohle, le go tswalelela go ya go ile.

¹⁴⁰ Re phela kae? Re ka Krisemose gape. Ke a makala ge eba bodumedi bja rena bo re tlišitše kgauswi go lekanelo go Modimo, gore re kgone go etwapele bontši ka fao ba Bohlale ba kgonnego go etwapele?

¹⁴¹ Bjale, elelwang, fao go batho ba bararo feela lefaseng, go le bjalo: Batho ba Hama, Seme, le batho ba Jafete; yoo ke Mojuda, Montle, le Mosamaria.

¹⁴² Bjale, bobedi Mojuda le Mosamaria ba be ba Mo lebeletše a etla; e sego rena Bantle. Re be re le bahetene, re tšeetšwe ka medingwana ya dimumu, ka go wona matšatši; lepara godimo ga mokokotlo wa rena, lerumo, re bolaya, re ejia se re ka kgonago; Bantle, dimpša tša dimumu.

¹⁴³ Eupša ba be ba lebeletše Mesia, gomme ba šitilwe go bona gobane ga se ba lemoga leswao la Gagwe. Ke ka baka leo Jerusalema e bego e se na le karabo.

¹⁴⁴ Leo ke lebakwa, lehono, ga ba na le karabo. Modimo o na le karabo, a nnoši.

¹⁴⁵ Lebelelang ba nakwana feela, bjalo ka ge ba bile. Go be go le legoro le lengwe la batho le Mo lebeletše, leo le ka go Mokgethwa Johane 4, bao e lego Basamaria. Ba dumetše go be go le Mesia yo a tlago.

¹⁴⁶ Kafao elelwang, ga se nke A dira leswao lela nako ye nngwe pele ga Bantle, feela Basamaria le go—le go Bajuda, ba ba bego ba

Mo lebeletše go tla. Gomme ga se ba ke ba Mo dumela, ka yona; ba bangwe ba bona ba dirile, ba bangwe ga se ba ke.

¹⁴⁷ Gomme ge A etla Samaria, O rometše batho kgole, barutiwa ba Gagwe, go ya ka toropongkgolo. O letile. Gobane, O ba boditše, “Eyang le hwetše se sengwe go ja.” E be e le go dikologa nako ye ya letšatši, ke a thanka.

¹⁴⁸ Ge ba sa ile, mo—mo mosadi wa go ratega o tla ntle sedibeng, go ga meetse. Oo, re mmitsa mmalegogwana. Mohlomongwe o be a le. Gabotse, a re re o be a le mo—mo mosadi wa go lebega go ratega. O tlie ntle sedibeng se, go ga meetse. Gomme a kwa segalontšu, se re, “Mosadi, Ntlišetše seno.”

¹⁴⁹ Gomme o lebeletše tikologong, gomme fale go be go dutše Mojuda. Bjale, go be go le kgethologanyo nako yeo, ba be ba se ne tirišano e ka ba efe. Gomme o rile go Yena, o rile, “Gobaneng, Wena, Mojuda, o a nkgopela, mosadi wa Mosamaria? Ga re na ditirišano seng. Ga se gwa loka go Wena go nkgopela seo.”

¹⁵⁰ O rile, “Eupša, mosadi, ge o ka be o tsebile Yo o bego o bolela le yena, o be o tla Nkgopela Meetse.”

¹⁵¹ O rile, “O kae . . . O ka kgona kae go hwetša meetse e ka ba afe,” o rile, “Ga o ne selo go ga ka sona, le go ya pele.”

¹⁵² Gomme O ile pele ka poledišano, ge tsela e ile pele. Mafelelong, O rile go yena, O swere moo bothata bja gagwe bo bego bo le gona. O rile, “Mosadi, sepela o tsee monnamogatša wa gago gomme le tle mo.”

O rile, “Ga ke ne le ge e ka ba monnamogatša.”

¹⁵³ O rile, “Yeo ke nnete. O nyetšwe makga a mahlano, gomme yo o dulago le yena bjale ga se monnamogatša wa gago.”

¹⁵⁴ Šetšang se a se boletšego. Ba be ba lebeletše Mesia, le a tseba. O rile, “Mohlomphegi, ke a bona gore O moprofeta.” Ke lena bao. “Ke a bona gore O moprofeta. Re a tseba, ge Mesia a etla, O tla re botša dilo tše. Leswao la Mesia, re a tseba gore Mesia o tla dira se ge A etla. Eupša O no ba . . . o na le maphone ka seatleng sa gago. O Mmetli, le Mojuda. Eupša O swanetše go ba moprofeta, goba O ka se kgone go dira se. Eupša ge Mesia a etla . . . Re Mo lebeletše mo. Ge A etla, O tla dira se.”

Jesu o rile, “Ke nna Yena, yo a bolelago le wena.” Oo, nna!

¹⁵⁵ A lahla pitša yela ya meetse. O ile ka toropongkgolo, gomme o rile, “Etlang, bonang Monna Yo a mpoditšego dilo tše ke di dirilego. A yo ga se Mesia?” Gomme toropokgolo yohle e ile ntle le go dumela go Yena, ee, gobane leswao lela le dirilwe. Dikereke ga se di be le karabo, eupša ba go kokobela ka pelong ba lebelela go Modimo.

¹⁵⁶ Lehono, ke a makala ge eba bodumedi bja rena bo re tlišitše go Bohlale bjola? Go lemoga ga bo ka go thutamodimo ya rena ya madirwakemotho ye e nkgišitšwego yeo re lekago go e ruta,

eupša bo ka Maatleng le tsogong ya Jesu Kriste, le Moya wo Mokgethwa ka nageng lehono. Ngwanešu, kgaetsedi, ka go iri ye ya mafelelo, ge go etla bofelong bja nako, nyakišang disoulo tša lena, hwetšang ka fao le emego le Modimo.

¹⁵⁷ Ke Krisemose. Dibenyabenyane tšohle, godimo le tlase mokgotheng, tša Santa Claus, nonwane ya Jeremané, thutotaelo ya Katoliki, fao ga go le ontshe e tee ya yona therešo. Gomme e tše legato la Jesu Kriste, ka dipelong tša Maamerika a mantši kudu. Krisemose ga e re Santa Claus. Krisemose e ra Kriste. E sego monna yo mongwe ka phaephé ka molomong wa gagwe, le go tla fase ka tšimine! Le ruta bana ba lena se sebjalo ka seo, le letela ba golele go ba eng? Ba botšeng Therešo, e sego ka kanegelo tsoko ya boikgopolelo. Ba botšeng, “Go na le Modimo wa Legodimo Yo a romilego Morwa wa Gagwe, gomme seo ke se Krisemose e se rago. Gomme O kgaušwi le go tla gape.”

¹⁵⁸ Gomme ge kgatelelo e thoma go tla lefaseng, diabolo o beile dilo tša gagwe ntile, ka mahlo, se le ka kgonago go se bona, magadigadi, le go ya pele. Modimo o beile ntile wa Gagwe, e lego Moya, wo le sa kgonego go o bona, eupša o a dumela.

¹⁵⁹ Jerusalema e be e se na le karabo. Jeffersonville ga e na le dikarabo; Louisville ga e, Amerika ga e dire, goba lefase ga le dire.

¹⁶⁰ Modimo o na le dikarabo, gomme O tshepišitše gore O tla di bonagatša. Gomme ke tsebiša go lena gore Jesu yola wa go swana, Yo a tswetšwego mengwaga ye makgolo a lesomesenyane, o a phela lehono, go tšwa tsogong, gomme o a swana maabane, lehono, le go ya go ile.

A re inamišeng dihlogo tša rena.

¹⁶¹ A ka potego o dumela se ka pelo ya gago yohle? Ge o se dumela . . . Gomme mohlomongwe ga se wa ke wa se amogela pele, eupša, pele A dira selo se tee go iponagatša ka Boyena, a o ka phagamiša diatla tša gago? Ka go phagamiša diatla tša gago, ge yo mongwe le yo mongwe ka dihlogo tša bona di inamišitšwe, a o ka phagamiša diatla tša gago le go re, “Ngwanešu Branham, nthapediše. Ke a dumela gore yeo ke Therešo. Gomme ke a dumela gore ka mokgwa wo mongwe le wo mongwe, ka sephiri, ke eteletšwepele go ya go lefelo le lennyane le la kgale mo khoneng mosong wo. Gomme ke a dumela gore Moya wa Modimo yo a phelago o fa bjale. Ke nyaka go Mo rapela. Ke tla phagamiša seatla sa ka.” Modimo a le šegofatše. Seo ke se sebotse. Oo, nna! Batho ba masomepedi goba masometharo, godimo ga moago.

¹⁶² Morategi Modimo, O bona diatla tšela, gomme O tseba yo mongwe le yo mongwe wa bona. Gomme ba a hloka. Gomme ba be ba ka se tsoge ba emiša seatla seo ntile le ge Sengwe se be se le hleng le bona, Yo a bego a le yo mogolwane go feta ka mo ba lego; ba ka be ba ile pele ka ditsela tša bona beng. Eupša ba dumetše, ka go kwa Lentšu. Mangwalo a rena a a re

botša, Morena, Lengwalo la Gago le Lekgethwa, gore, "Tumelo e tla ka go kwa, gomme go kwa Lentšu la Modimo." Gomme Le makgwakgwa, go le bjalo, tsela ye bonolo, tse—tse tsela e nnoši re swanetšego go Le neela go batho, ba Le dumetše. Tše ntši, diatla tše ntši di ile godimo. Ga ke tsebe le o tee wa boona. Wena o ba tseba bohle. Eupša ke a tseba gore ka gare ga bona, ba bušwa le go laolwa ke moyo, gomme moyo wola woo o lego ka go bona o rile, "O phošo."

¹⁶³ Gomme go na le Moya wo mongwe o eme hleng le bona, o re, "Nkamogelete. Ke nna Mophološi wa gago." Gomme ba robile melao yohle ya saense, ka go phagamiša diatla tša bona. Gobane, go na le Modimo ka fale, Yo a dirilego melao ya saense, gomme diatla tša bona di ile godimo, gore ba nyakile go obeletša godimo, ka tumelo, go swara Mophološi, le go Mo amogela bjalo ka Mophološi wa bona. Ba dirile seo mosong wo, Morena.

¹⁶⁴ Gomme ba amogele ka Mmušong wa Gago, feela bjale. Ke bona diala tša Molaetša. Ke a rapela gore O tla ba amogela ka Bogoneng bja Gago, go ya ka Mmušong wa Gago. Gomme a nke ba phele maphelo a lethabo mo, ba lebelele go Tla ga Morena Jesu nako efe kapa efe, ge ba bona letšatši le batamela, le maswao le matete, gobane O tla kgauswana, kgauswana. O tseleng ya Gagwe.

¹⁶⁵ Ge Rebeka a emelela, ka go tlaraleta kamela, gomme a otlela go tloga go kopana le moratiwa wa gagwe, Isaka. Gomme Isaka o be a šetše a tlogetše ka—ka kampa, gomme o be a le ntle ka mašemong, ka nako ya mantšiboa, ge a mmone a etla. E be e le lerato go pono ya pele. O tabogile go fologa kamela, gomme a kitima go mo gahlanetša. O ile a tšelwa ka tenteng ya Abraham, gomme fao a ba mojabohwa, gomme a ba mojabohwa wa dilo tšohle.

¹⁶⁶ Modimo, re a lemoga ke nako ya mantšiboa bjale. O rile e tla ba Seetša, gore Moya wo Mokgethwa o tla ba fa mo lefaseng gomme o tla be a iponagatša Yenamong ka go mohlape wo monnyane woo O o kgethilego ka mogau wa Gago. Ke a rapela bjale gore O—O tla iponagatša Wenamong gagolo go yo mongwe le yo mongwe. Gomme a nke ba phološwe go tloga dibeng tša bona.

¹⁶⁷ Gomme a nke ba tle felotsoko go mo—mo mothopo, mothopo wa lefase, ka morago ga ge ba tlide go wa Legodimo, le go kolobetšwa Leineng la Morwa moratwa wa Gago, Morena Jesu; ba hlatswa dibe tša bona, ba bitša Leina la Morena. A nke ba amogele Moya wo Mokgethwa, le go bewa ka leemong go bapalela ntle karolo ya bona ya terama ye kgolo ye ye e lokelago go direga.

¹⁶⁸ Re dumela kgobokano ya rena mosong wo, Tate, e be e le ka profenseng ya Gago ye bohlale. Ga go selo sa bošilo, go Wena. Se sengwe le se sengwe, se sengwe le se sengwe seo O se fago, se

phethagetše. Banna le basadi ba tlie go tšwa dikarolong tša go fapana tša naga, ba dutše ka mo. O ba tlišitše ka Moya wa Gago, ka tsela ya sephiri. Ba Go dumetše. Ba amogelete bjale. Leineng la Jesu Kriste, ke ba neela go Wena.

¹⁶⁹ Bjale, Morena, a nke Moya wo Mokgethwa wa Gago o tle go fodiša balwetši, gore basokologi ba baswa ba go Wena, ba ke ba lemoge gore ga re no bolela ka Beibele yeo e bilego histori. Ke le le phelago, lebaka la bjale, feela bjale. Yena ke Morena Jesu yo a swanago.

¹⁷⁰ Bjale a nke A tle, Morena, gomme a laole nama ya rena, mebele ya rena, ge re bula dipelo tša rena. Ntšhetša ntle go kamaka gohle le lefase lohle. Gomme feela a nke Moya wo Mokgethwa o sepele ka rena, gore O ke o šome thato ya Gago magareng ga rena, bjalo ka dibjana tša go hlweka. E sego ka gobane re hlwekile ka toko ya rena beng, eupša ka gobane re dumetše go Yena Yo a re hlwekišitšego, Morena Jesu; gomme o dirile le go dira di—di dilo tše O di dirilego ge O be o le mo lefaseng, gore basokologi ba baswa ba ba ke ba bone gore O sa le Morena Jesu. Wena ga se wa hwa. Eupša O tsogile gape, mengwaga ye makgolo a lesomesenyane ya go feta, gomme o a phela lehono, o phethagatša tshephišo ye nngwe le ye nngwe ye O e dirilego. Amene.

¹⁷¹ Ke a tseba ga se pina ya Krisemose, eupša ke pina ya dipelo tša rena, ye re e ratago; bjale ka gore molaetša o fedile, mohuta wa go ripa, go ya pele, ke tsela e nnoši.

¹⁷² Se diphuluphithi tša rena di se hlokago lehono ga se bjo fa bodumedi bja senkgamone. E hloka Therešo. Therešo, E rere go tšwa Beibeleng! Ga e dire tlhathollo ye e itšego ya go fapana. E no E bolela, se Beibele e se bolelago. Modimo o tlamegile go Lentšu la Gagwe. Ge A sa thekge Lentšu la Gagwe, gona ga se Yena Modimo, goba Lona ga se Lentšu la Gagwe, le tee. Eupša O tla hlokomela Lentšu la Gagwe.

¹⁷³ Bjale, feela pele re rapelela balwetši, a re opeleleng pina ye botse ye ya kgale, lena batho bohole, mmogo, lena bohole.

Ke tla Mo tumiša, ke tla Mo tumiša,
Tumišang Kwana go bolaelwa badiradibe;
Mo feng letago lena batho bohole,
Ka gore Madi a Gagwe a hlatswitše go tloša
patso ye nngwe le ye nngwe.

¹⁷⁴ A o ka re fa khote, kgaetšedi? Yo mongwe le yo mongwe, mmogo bjale, bohole, yo mongwe le yo mongwe!

Ke tla Mo tumiša, ke tla Mo tumiša,
Tumišang Kwana ye e bolaetšwego badiradibe,
Mo feng letago, lena batho bohole,
Ka gore Madi a Gagwe a hlatswitše go tloša
patso ye nngwe le ye nngwe.

¹⁷⁵ Ke a makala. Se ga se nyefolo. Se se no hlagiša. Bana, re bana. Ge o fihla go nagana o godile, ka go Modimo, seo se bontšha ga se o fihle felo. Ka mehla e ba ngwana, A ka kgora go go etapele. Eupša ge o tseba go feta Yena, o leka go Mo etapele. Le a bona? A nke A etepele. A re nong go tswalela mahlo a rena gomme re phagamišeng diatla tša rena, gomme re inamišeng dihlogo tša rena, gomme re opeleleng yeo gatee gape.

Ke tla Mo tumiša, ke tla Mo tumiša,
Tumišang Kwana go bolaewa badiradibe;
Mo feng letago, lena batho bohole,
Ka gore Madi a Gagwe a hlatswitše go tloša
patso ye nngwe le ye nngwe.

Go tšwa legopong la Bethlehem go tlie pele
Mosetsebje,
Lefaseng ke hlologela go swana le Yena;
Gohle go kgabola leeto la bophelo go tšwa
lefaseng go ya Letagong
Ke kgopela feela go swana le Yena.

Go no swana le Jesu, go no swana le Jesu,
Lefaseng ke hlologela go swana le Yena;
Gohle go kgabola leeto la bophelo go tšwa
lefaseng go ya Letagong
Ke kgopela feela go swana le Yena.

¹⁷⁶ “Dilo tše Ke di dirago le tla di dira le lena.”

¹⁷⁷ A o be o ka se rate go be o eme fale ge A boletše le mosadi ka taba ya madi? O tlie a menekana go kgabola mašaba, o kgwathile seaparo sa Gagwe, “Ka gore o boletše bokagare bja gagwe mong, ‘Yoo ke Morwa wa Modimo. Ge nka no kgora go kgwatha seaparo sa Gagwe!’” Bjale, seaparo sa Mapalestina se lekelela go tlemologa, gomme se bile le seaparo sa ka fase. O... Yene ga se a ke a kwa kgwatho yeo, ka gore O e netefaditše. O kgwathile seaparo sa Gagwe, gomme a kitimela morago ntle ka batheeletšing.

¹⁷⁸ Jesu o eme, gomme o rile, “Ke mang a Nkgwathilego? Ke mang a Nkgwathilego?”

¹⁷⁹ Petro o Mo kgadile, o rile, “Morena, yo mongwe le yo mongwe o a Go kgwatha, o šikinya diatla tša Gago, o a Go phaphatha, le se sengwe le se sengwe. Yo mongwe le yo mongwe o Go kgwathile, gomme gobaneng O bolela selo se sebjalo ka seo?”

¹⁸⁰ O rile, “Eupša Ke fokotše. Bokwala bo tlogile go Nna. Yo mongwe o Nkgwathile.”

¹⁸¹ Gomme O lebeletše go dikologa, godimo ga batheeletši, gomme O mo hweditše. Gomme O mmoditše gore o bile le taba ya madi nako yeo, gomme tumelo ya gagwe e mo fodišitše.

¹⁸² A o ka se rate go ba ka mokgwa woo? O ka se kgone go nagana ka e ka ba eng ye kgolwane.

¹⁸³ Monna o sepeletše godimo go Yena. O rile, “Leina la gago ke Simone. Leina la tatago ke Jona.” Oo!

Ke kgopela feela go swana . . .

¹⁸⁴ A go a kgonega? O rile, “Dilo tše Ke di dirago! Gomme efela lebakana le lennyane, gomme lefase . . .” Bjale, *lefase* fale, ka go lentšu la Segerike, ke *kosmose*, le rago “tshepedišo ya lefase,” e sego lefase, “tshepedišo ya lefase.” “Lebakana le lennyane, gomme lefase le ka se Mpone gape; efela lena le tla Mpona,” yoo ke modumedi, “gobane Nna,” gomme *Nna* ke lešalašala, “Ke tla ba le lena, le ka go lena, go fihla bofelong bja lefase. Mediro ye Ke e dirago le tla e dira le lena. Ye e fetago ye le tla e dira, ka gore Ke ya go Tate wa Ka.” Tša go šegofala, Ditshepišo tše kgethwa di ka se kgone go robja. Jesu o rile, “Ga go Lengwalo le ka kgonago go robja.”

Kafao go swana le Jesu . . .

A O mo?

. . . Jesu,

Feela ka go mokgwatebelelo wa thapelo bjale.

Lefaseng ke hlologela go swana le Yena;
Gohle go kgabola leeto la bophelo go tšwa
lefaseng go ya Letagong
Ke kgopela feela go swana . . .

¹⁸⁵ A o ka kgona go Mo eleletša a sepela ka Galelia? Šebao Bafarisei bale, ba boletše ka pelong ya bona, “Ke Beletsebubu.” Ga se ba ke ba bolela seo ntle kudu, eupša O ile a bona megopolو ya bona. Mangwalo a bolela seo? O bone menagano ya bona.

¹⁸⁶ O rile, “Le bolela seo kgahlanong le Nna, Ke tla le lebalela. Eupša go tla tla nako ge Moya wo Mokgethwa o tla dira dilo tše tša go swana. Le se bolele kgahlanong le Woo.”

¹⁸⁷ Go no swana le Jesu! Ke ba bakae ka go batheeletši ba bannyane ba mosong wo ba dumelago gore O tsogile go tšwa bahung, O a phela lehono, gomme O a swana, go boloka tshepišo ye nngwe le ye nngwe? [Phuthego e re, “Amene.”—Mor.] Ke a le leboga. Seo se tliša Bogona bja Gagwe.

¹⁸⁸ Bontši bja lena le tseba seswantšho sa Morongwa wa Morena, fale ka godimo ga moo ke emego. Re na le tšona go tšwa Jeremane, Switzerland, mogohle ba a di tše. Ba tšere se setee letšatši le lengwe. Ke selo sa go ikgetha kudu nkilego ka se bona. Ke tla se tliša kerekeng, nako ya go latela ge ke etla morago. Se ka go ba—ba babuši ba setšhaba bjale, go lekola bakeng sa tshenologo tše pedi, le ka fao go beilwego ka tlase ga seetša sa mahlasedi a magolo, le go ya pele, go bona. Morongwa wa . . . khomotšo ye kgolokgolo ke bilego le yona ge e sa le A kopana le nna; re a tseba gore re mo nakong ya bofelo.

¹⁸⁹ Ke nna motho, gomme ga go selo se sebotse ka go motho. Eupša ge motho a ka bula pelo ya gagwe le go dumelala Modimo go mo hlwekiša, gona ga se . . . Modimo a nnoši o ne diatla, ke diatla tša gago le diatla tša ka; mahlo a Gagwe ke mahlo a ka le mahlo a gago, gobane Yena ke Moya. Eupša A ka kgona go šoma ka rena, go bonagatša le go dira thato ya Gagwe.

¹⁹⁰ Ke be ke eya go le bitša godimo mo ka mothalong wa thapelo. Ke fetotše monagano wa ka. Ke a dumela gore Bogona bja Morena Modimo bo fa. Gomme ke a dumela gore A ka kgona go dira feela go swana le ge A dirile ge A be a le mo pele, goba Yena ga se Modimo. Ke batho ba bakae . . .

¹⁹¹ Go ne difahlego tše dintši fa ke sa di tsebego. Ga ke mo; le ba bantši ba lena ba ka tla kerekeng mo, ga ke le tsebe. Eupša ke ba bakae ka mo, ba ba hlokago, gomme le a tseba gore ga ke le tsebe, phagamišetšang diatla tša lena godimo; bohle ba ka moagong, le a tseba. Ke gagolo mo ka pele, gabotse e ka ba yo mongwe le yo mongwe mo ka pele, basetsebje ka go felela.

¹⁹² Gona ge Jesu a phela, gomme O a swana maabane, lehono, le go ya go ile, gomme ge o na tlho—tlho tlhoko ya selo e ka ba sefe, Lengwalo le re . . . Bjale, e sego Testamente ya Kgale; Testamente ye Mpsha! Testamente ye Mpsha, Puku ya Bahebере, e rile, “Jesu Kriste ke Moprista yo Mogolo gonabjale.” Yo mongwe le yo mongwe o a tseba gore moprista mogolo ke mang? “Moprista yo Mogolo yo a kgonago go kgwathwa ke dikwi tša mefokolo ya rena.” Moprista yo mogolo ke wa go dira dipoelano ka Bogeneng bja Modimo. Jesu o ema bjalo ka Moprista yo Mogolo, go dira dipolelano, gomme A ka kgona go kgwathwa ke maikutlo a mefokolo ya rena. Bjale, ge A swana maabane, lehono, le go ya go ile; gomme ge mosadi a Mo kgwathile morago kua, gomme A retologa go dikologa gomme a mmotša; gomme Baratimeo wa sefov a eme kgorong, dijarata tše makgolotharo go tloga moo A bego a le gona, a goelela, “Nkgaogele!”

¹⁹³ Gomme batho ba dira metlae ka Yena ge A be a eya go feta, Yena ka hlogo ya Gagwe go leba Khalibari, a eya godimo Jerusalema, go neelwa. Gomme bona baprista ba re, “E re, Wena o tsošitšego bahu! Re na le serapa sa mabitla se tletše bona godimo mo, etla ntle gomme o ba tsoše. Re tla Go dumela.” Sehlopha sa go swana seo se rilego, “Fologa sefapanong, (Wena o ‘Morwa wa Modimo’), gomme re tla Go dumela.”

¹⁹⁴ Le a ba bona baswaswalatši? Ka mehla ba bile le bona. O se ke wa bea, wa lahlela letengwa la gago le mohuta wola. Modimo o a gana! Hwetša Modimo ka pelong ya gago gore o kgone go Mmona le go Mo tseba.

¹⁹⁵ Eupša yo wa go šokiša, mokgopedi wa kgale wa sefov a eme fale, o rile, “Wena Morwa wa Dafida, nkgaogele.” Gomme tumelo ya gagwe e emišitše Jesu. Jesu o retologile go dikologa

le go lebelela go fihla A mo hweditše, o mmuditše o tla amogela pono ya gagwe.

¹⁹⁶ Jesu yola wa go swana o a phela! Ge...Ke botse bofe Modimo wa histori, ga se Yena...ge A se Modimo wa go swana lehono?

¹⁹⁷ Ke botse bofe e bo dirago, go leka go dira motho a ruthele ka go mo šupetša mollo wa go pentwa? Mollo wa go pentwa o ka se ke...Woo ke mollo wa histori. O re, “Ga se mollo wa go pentwa, Ngwanešu Branham, ke seswantšho sa mollo wo gabotse o diregilego.” O ka se hwetše borutho ka seswantšho. Seo ke se sengwe seo se bilego. Go reng ka bjale?

¹⁹⁸ O a swana maabane, goba O...le lehono, goba ga se Yena Modimo wa go swana. A ga le dumele seo?

¹⁹⁹ Bjale yo mongwe le yo mongwe wa lena e nong go ba le tlhomphokgolo ka kgonthé. Gee ka ba gore ke tla bolela, ga ke ne tsela ya go le tseba. Modimo o tseba pelo ya ka. Eupša ge Jesu a ka tla le go tsea nama ya ka, le go thopa...Ga go kgathale bontši gakaakang A ka thopago tša ka, ge A sa tšee taolo godimo ga lena, le lena. O swanetše go e dumela. Ka gore, elelwa, e no ba feela ge o dumela. Ge Morena Jesu a ka tla gomme a dira seo, gomme o tla kgwatha kobo ya Gagwe, wa re, “Morena, ke na le tlhoko. A nke ke Go kgwathe, Morena.”

²⁰⁰ Ka gona ge o Mo kgwatha, ge A le Moprista yo Mogolo wa go swana, O tla dira ka tsela ya go swana A dirilego ge A be a le mo lefaseng. A yeo ke nnete? Ge e dira ka tsela efe ye nngwe, gona ke selo sa phošo, o kgwathile selo sa phošo. E swanetše go swana, e swanetše go dira ka tsela ya go swana. Gona ge o ka kgona go kgwatha kobo ya Gagwe, boka mosadi a dirile yo a kgwathilego seaparo sa Gagwe, a A ka se dire selo sa go swana?

²⁰¹ Ge go direga go ba gore ke...Ge ba bangwe ba lena batho le tlago kerekeng ye, gore le tsebe, nka—nka se bolele selo go lena. E swanetše go ba tumelo ya gago, gobane ye ke—ye ke...Ke nna...Ke nyaka basetsebjie. Ke tla le tsea morago ga lebakana, ge Morena a rata. Ke nyaka...Ke tla le tliša godimo mo sefaleng, go le rapelela.

²⁰² Ke nyaka basetsebjie ba ba tšwago ka ntle ga toropo. Ge lena batho ba go tšwa ka ntle ga toropo, le mo ka dihoteleng le dimothela, le dilo, le letile. Kgonthé, go tšwa godimo ga lefase, ka tsela yeo. Ba rata Morena. Ba a Mo dumela. Gomme ba—ba bala ka Beibeleng gore O swanetše go dira se ka matšatšing a mafelelo.

²⁰³ “Gomme ga go motho a ka tlago go Nna ntle le ge Tate wa Ka a mo goga,” go boletše Jesu. O ka se kgone go tla, fao ga go tlhokego ya go leka go dira eng kapa eng ntle le ge Modimo a go goga. Ge Modimo a go goga, gona o tla tla. “Gomme yo a tlago go Nna, Nka se mo lelekele ntle le ka mokgwa ofe.”

²⁰⁴ Bjale le no ba le tumelo gomme le dumele bjale. Gomme ebang le tlhomphokgolo ka kgonthe, gomme dulang go iketla feela nakwana. Efa Modimo šedi ya gago. Rapela, o re, "Morena Modimo, a nke ke kgwathe kobo ya Gago. Ke a babja. Ke a hloka. Ke a hloka. Ngwanešu Branham ga a ntsebe, le ke lekga la mathomo nkilego ka bona monna. Eupša ke nyaka go netefatša go nnamong gore O sa le Jehofa, gore O sa le Jesu yo a bolelago ka yena. Gomme ke dumela Seetša se sa sephiri seo lefase le bolelago ka sona lehono. Ke a dumela Ke Wena. Gomme O Yena wa go swana yoo a nketilegopele fa. Bjale ke tla hwetša eng? A nke ke Mo hwetše, Morena, Jesu wa go swana yo ba mo hweditšego. A nke ke Mo hwetše." Bjale e nong go šetša le go lebelela.

²⁰⁵ Ga ke ne tsela le gannyane ya go tseba go fihla Modimo a tla e utolla. Gomme ge Modimo a e utolla, gona ke Modimo yo a e dirago nako yeo, e sego nna. Ke ba bakae ba tla dumelago ge A ka e dira? Ke Mo letile. Phagamišang diatla tša lena. O re, "Ke tla e dumela. Ee, mohlomphegi. Ke tla e dumela, ka pelo ya ka yohle." Go lokile.

²⁰⁶ Bjale phagamišang dihlogo tša lena, ge le lebelela le go rapela. Bjale ka boleta ka kgonthe, pina ye. Piano ya kgale še ke e kwelego pele.

Dumela feela . . .

²⁰⁷ Jesu o tlide fase go tšwa thabeng, barutiwa ba Gagwe ba be ba leka go fodiša bolwetsi bja go wa dihwahwa. Ga se ba ke ba kgona go e dira, le ge ba be ba na le maatla. Ba bo tlišitše go Jesu. O rile, "Nka kgona ge o dumela, ka gore dilo tšohle di a kgonega. Dumela feela."

²⁰⁸ Yo mongwe le yo mongwe feela ka tlhomphokgolo ka mo o kgonago go ba. E no lebelela ka tsela ye, bjalo ka ge Petro le Johane ba rile, "Re lebelele." E sego go ba lebelela bakeng sa se sengwe, eupša go fa šedi. O rile, "Silibere le gauta ga ke natšo."

²⁰⁹ A nke Modimo wa Legodimo a e fe. Le a bona, Lentšu la Gagwe le bothateng, e sego la ka. Ke no ba le boikarabelo go Le rera.

²¹⁰ Ke mo go thata, ye ke toropo legae ya ka mong. Le a tseba, Jesu o boditswe, ge A ile toropong ya gae ya Gagwe Mong, O be a sa kgone go dira mediro ye mentši ye maatla. Lena bohle le tseba seo. Gomme Jesu o eme nako yeo, o rile, "Moprefeta a ka se be ntle le moputso, ntle le ge e le ka toropong legae ya gagwe mong, magareng ga batho ba Gagwe." Seo se sa lokile lehono.

²¹¹ Eupša go na le ba bantši mo ba e sego ba toropo legae.

²¹² Thwi mafelelong a mothaladi fao, mohlomphegi, o ntebeletsego, ka digalase, ke nagana gore re basetsebane yo motee go yo mongwe. Modimo o a re tseba bobedi. Eupša o a lemoga gore go ne se sengwe sa sephiri se diregago. Ge o ka

kgona go bona se ke se bonago, thwi ka godimo ga gago ke Seetša sela. Ge Modimo a ka nkutollela! Bjale o kgokagane le Yena. O tla swanela go šomiša segalontšu sa ka le mahlo a ka. Eupša o hloka se sengwe. Ga ke go tsebe. O a tseba ga ke tsebe selo ka wena. Ge seo e le therešo, emišetša seatla sa gago godimo, mohlomphegi.

²¹³ Eupša o a lemoga o na le maikutlo boka go wena, a mabose ka kgonthe, maikutlo a go swana le go kokobela (A yeo ga se nnete?) gonabjale. Yoo ke Morongwa wa Morena. O thwi ka godimo ga lena. Ge Modimo a ka nkutollela seo bothata bja gago e lego, feela boka A dirile ka Morwa wa Gagwe, Morena Jesu; gomme O tlile go hlwekiša pelo ya ka, gore A ke a phele mo go bolela morago le wena; a o tla dumela ke Moprista yo Mogolo wa go swana yo o mo kgwathilego? O kgokagane le Sengwe. Yoo ke Yena.

²¹⁴ Bothata bja gago bo ka maswafong a gago. Yeo ke nnete. Phagamišetša seatla sa gago godimo. Go befile kudu ga o kgone go šoma. Yeo ke nnete. Phagamišetša seatla sa gago godimo. Ga ke go tsebe.

²¹⁵ Ke ba bakae ba dumelago bjale? Lebelelang fa. Le nagana ke thankile seo. Moya o sa le ka godimo ga monna.

²¹⁶ A o dumela gore Modimo wa Legodimo o a go tseba? O a Mo direla? Ke re, o a Mo direla? [“Seo ke therešo.”—Mor.] Ee, mohlomphegi. O Mokriste. O tla mo ka morero wa go fodišwa. O ya gae, gabotse. Leina la gago ke Mna. Raney. Yeo ke nnete tlwa. Phagamiša seatla sa gago ge seo e le therešo. O ka boela gae. O fodile, mohlomphegi. Tumelo ya gago e go dirile o fole. Modimo a go šegofatše.

²¹⁷ Ga se ka ke ka tsoge ka bona monna ka bophelong bja ka, diatla tša ka šedi, mohlomongwe lekga la rena la mathomo. Ke Modimo. Bjale dulang tuu. Yo mongwe le yo mongwe eba ka thapelong. Le a tseba gore go na le Sengwe mo se dirago seo.

²¹⁸ Bjale, Bafarisei ba rile, “Yena ke diabolo.” Ka gona ba hweditše moputso wa gagwe.

Filipi o rile, “Ke Morwa wa Modimo.” O hweditše moputso wa Gagwe.

E ka ba eng o naganago ka Yona, seo se tšwa go wena.

²¹⁹ Wena yo a llago fao. O be o lemoga gore Sengwe se go rathile, a o be o se? Ge yeo e le nnete, phagamiša seatla sa gago. Monna yo a llago, a dutšego thwi mo, re basetsebane yo motee go yo mongwe. Ga ke go tsebe. Eupša Modimo o a go tseba. Ge Modimo a ka nkutollela seo bothata bja gago e lego, a o tla dumela ka pelo ya gago yohle? Ge o ka dira, šišinyetša seatla sa gago morago le pele. Go lokile.

²²⁰ O tlaišega ka bothata bja mogodu. Yeo ke nnete. O a dumela Modimo o tla go fodiša? Go lokile, o a dira. O a dumela Modimo o

a tseba gore o mang? Ge A ka mpotša gore o mang, a e tla go tiiša? Swara seatla sa gago godimo, ge o dira, se šišinyetše morago le pele. Go lokile. E tla go tiiša? Mna. Fred Moore. Yeo ke nnete tlwa. Eya gae, morena, alesa yela ka lešakeng la mogodu e go tlogetše. E hlotše seemo sa letšhogo seo se e dirilego, eupša Jesu Kriste o go fodišitše ge A go kgwathile fale.

²²¹ Mohumagadi yo a dutšego kgauswi le wena fao, oo, ke a tseba gore yoo ke mang. Ke tseba mosadi yola, yo leina la gagwe le lego... Ga ke phoše. Ke a dumela ke Mdi. Greene, a ke yena? Nka se kgone go go bitša, Kgaetšedi Greene, gobane ke a go tseba. Eupša, fa, ema motsotso. Aowa, ga se ya gago. O rapelela yo mongwe gape. Yeo ke nnete. Gomme motho yoo o ka nageng ye kgolo kgole go tloga fa, moo go nago le lehlwa le lentši le kgatlampana. Ke Nebraska. Ke mohumagadi ka kankere, yo o mo rapedišago. Ge seo e le therešo, emišetša seatla sa gago godimo. Motho ka kankere, yo o mo rapedišago, ka Nebraska. Go lokile. Modimo a go šegofatše.

Eba le tumelo! Dumela!

²²² Mohumagadi a dutšego fale, a phumola dikeledi go tloga mahlong a gagwe, ke mosetsebje go nna. Ga ke tsebe mohumagadi. Yoo ke monnamogatša wa gagwe a dutšego kgauswi le yena; monna yo mogolo. E lego basetsebje!

²²³ A o dumela gore Modimo o kwa thapelo? A o a dumela gore wo ke Moya wa Modimo, mohumagadi? O okametšwe ke moriti ke lehu, a ga o bjalo? Ke kankere. Re basetsebane. Ge seo e le therešo, šišinyetše seatla sa gago morago. Yeo ke nnete. Ga se ka ke ka go bona, ka bophelong bja ka. Ga o tšwe toropongkgolo ye, o tšwa go kgabaganya noka felotsoko. Yeo ke nnete. Mdi. Sanders ke leina. Yeo ke nnete. Hilda ke leina la pele. Yeo ke nnete tlwa. Emelela ka maoto a gago, mohumagadi, gomme amogela phodišo ya gago go tšwa go Jesu Kriste. Modimo a go šegofatše. Le a bona?

²²⁴ Eba le tumelo ka go Modimo. Se belaеe. Ba bangwe, lena bohole godimo ka go methalo ye fa, dumelang go Morena Jesu gomme le tla fodišwa.

²²⁵ Bjale, ke Yena. A le a dumela gore ke Yena? Le a bona, ga ke go tsebe. "Ge o ka kgona go dumela!" Go tšwa go wena.

²²⁶ O bonala o rapela, o dutše thwi mo, mohlomphegi. A o ntumela go ba moprefeta wa Gagwe? A o a dumela gore e tla ba Yena? Ke nna mosetsebje go wena. O mosetsebje go nna. Ye ke nako ya rena ya kopano. Eupša Modimo o tseba bobedi bja rena. A o dumela seo? Dilo tšeо ke therešo. Phagamišetša seatla sa gago godimo. O a dumela gore o ya gae ntle le bothata bja mokokotlo wa gago, Modimo o ya go go dira o fole? O a dira? Go yeng morago Ohio, Hamilton. Yeo ke nnete. Leina la gago ke Mna. Burkhart. Yeo ke therešo. Jesu Kriste o go fodišitše bjale. O ka kgona go ya gae, wa fola. Amene. Yo mongwe gape, dumela.

²²⁷ Oo, a le lemoga Bogona bja Gagwe? A le lemoga gore Sengwe se swanetše go dira seo? Seo ke tlwa se Beibele e rilego O se dirile pele, gomme o tshepišitše... O se dirile pele ga Mojuda, pele ga Mosamaria, gomme o tshepišitše go se dira pele ga Bantle. Ye ke iri. E sego Modimo tsoko wa histori; eupša Modimo Yo a bolokago tshepišo ya Gagwe, yo a phelago thwi bjale; Morena Jesu, Yena wa go swana Yo a fodišago balwetsi, tsela ye e swanago A e dirilego, mokgwa wo o swanago, gomme a e tshepiša ka matšatšing a mafelelo. Ye ke Krisemose gape, Seetsa sa Gagwe sa go hlahlala. “O hlokometše eng, Ngwanešu Branham?” Ke Mo šeditše. Ke lefase le lengwe. Ke sekao se sengwe, ge o nyaka go se bitša seo. Se ka go lefase la moya.

²²⁸ Ke bona monna, wa pelo ye boima ka kgonthe, eupša ke a mo tseba. Ngwanešu Funk, ga se ke e tsebe go fihla gonabjale. O bothateng. Moriti wo moso ka kgonthe godimo ga mmago. Gomme o a tseba ga ke tsebe seo; ke no tla ka gare. Eupša mmago o bile le karo, ka ya go phera, kankere. O tshwenyega ka yena, gomme o a rapela. Modimo yo a bušeditšego papago go monagano wa gagwe wa maleba, a mo fa morago go phelega ga gagwe, a ka kgona go bušetša mmago. O se boife. “Ge o ka kgona go dumela, dilo tšohle di a kgonega go bona bao ba dumelago.”

²²⁹ Šole Yena, godimo ga motho yo mongwe, eupša ke a mo tseba. Eupša o rapediša yo mongwe gape. Mdi. Arganbright, ge o ka e dumela, kankere yela e tla fodišwa. Ke bakeng sa motho tsoko yo mongwe. O a dumela.

²³⁰ Go reng ka wena? O a dumela, mohumagadi, nna go ba moprofeta wa Gagwe, mohlanka wa Gagwe? O tlaišega ka selo sa go swana mosadi a se dirilego, taba ya madi. Nepagalo. Ga o tšwe toropongkgolo ye. O tšwa Ohio, le wena. Gomme o sa tšo fodišwa ka go ye nngwe ya dikopano tša ka, go se sengwe, wenamong. O bile le kankere. O be o apesišwe ke moriti ke lehu, gomme e ile bjale. Yeo ke nnete. Gore o ke o tsebe gore ke mohlanka wa Gagwe, taba ya madi e tšwa go ngwaga wa gago. Eupša gape o na le ramatiki, goba go swana le atheraithisi, ke yona, ge o tsoga. O a thatafa mosong. O na le bothata ka mogolo wa gago, gape. A o ntumela go ba mohlanka wa Gagwe?

²³¹ O na le yo mongwe gape pelong ya gago, o a mo rapediša. Ke ngwetsi ya gago. O na le ditšhika tša go photha madi. Ke mmago sehlopha se segolo sa bana. A ga se yena? Yeo ke nnete tlwa. Leina la gago ke Mdi. Alice Thompson. Yeo ke nnete tlwa. Boa, amogela se o se kgopetšego. Kafao o tla fodišwa, gobane o dumetše go Morena Jesu. Bjale ge re le basetsebane seng sa rena, šišnyang, šišinyetša seatla sa gago morago le pele, ka mokgwa wo. Ga ke go tsebe, ga ke tsebe selo ka wena.

²³² Ke hlohla tumelo ya gago. Ke hlohla motho e ka ba mang ka fa, ka Leina la Jesu Kriste, go dumela ka Bogoneng bja Gagwe. Ga ke kgathale se e lego phošo ka wena, ge o ka Bo dumela.

²³³ Elelwang, se ke selo sa mafelelo A tla se dirago pele ga go Tla ga Gagwe. Le elelwa se A se boletšego? “Bjalo ka ge go bile ka matšatšing a Sodoma le ka Gomora, go tla ba bjalo ka go Tleng ga Morwa wa motho.” Molaetša e be e le eng?

²³⁴ Go bile le Barongwa ba bararo ba ilego tlase. Ba babedi ba bona, Billy Graham le Jack Shuler ba ile tlase ka Sodoma, le go rera feela molaetša wa tokologo ya Ebangedi, go batho. Eupša Morongwa yo motee o dutše morago le bakgethiwa, Abraham le seholpha sa gagwe.

²³⁵ Gomme Morongwa o bile le mokokotlo wa Gagwe o furaletše tente. Gomme Sarah a sega, ka gare ga tente. Gomme Morongwa a re, “Ka baka la eng Sarah a segile?” O tsebile bjang o segile, ka tenteng ka morago ga Gagwe? Woo e bile molaetša wa mafelelo woo Sodoma e bilego le wona pele ga tshenyego.

²³⁶ Gomme maswao a mafelelo šea ao Modimo a tla a laetšago pele ga go fedišamoka. Le amogele, le dumele, gomme o phološwe.

A re inamišeng dihlogo tša rena feela nakwana.

²³⁷ A le lemoga Bogona bja Gagwe? A le a Mo nyaka bjale, morago ga ge A...le...Ke rerile Ebangedi go lena, gomme le kwele Molaetša wa Gagwe. Morago le Mmona a etla fase gomme a bolela, ka Boyena. Motho a ka bolela e ka ba eng; eupša ntle le ge Modimo a bolela le go tiišetša seo, ga se sa loka. Eupša ge A etla, Modimo, le go dira Molaetša kgonthe, le go phela gape, gona ke Modimo. A o nyaka go Mo amogela bjale ka go go ineela ka bottlalo ga bophelo bja gago? A le ka phagamiša diatla tša lena feela nakwana, o re, “Ke tla phagamiša diatla tša ka. Bjale ke neela tša ka tšohle, tša ka tšohle go Yena.” Modimo a go šegofatše. Modimo a go šegofatše.

²³⁸ Bohle ba ba hlokago thapelo, bakeng sa phodišo, ke a dumela gore yo mongwe le yo mongwe wa lena o tla fodišwa. A re rapeleleng balwetši.

²³⁹ Morena, gore ga go yo a ka tlogelwago ntle, gore bohle ba ke ba amogele! Re a lemoga, Morena, bjalo ka ge ke...ema fa ke fokola le go roromela, O fa. Go ka godimo ga moriti e ka ba ofe wa pelaelo. Batho ba rathwa ke semaka sa Bogona bjo Bokgethwā bja Modimo, Krisemose ye nngwe, Seetša sa go swana sa kagodimogatlhago se phadimago. Se etilepele ba bantsi go tšwa go mesepelo ya go fapano ya bophelo. Ba kwele Lentšu la Gago le balwa, le go rerwa, gomme bjale ba bona O etla le go tiišetša Lentšu.

²⁴⁰ Beibele e rile, “Barutiwa ba boile, gomme ba rerile Lentšu mogohle, Morena a ſoma le bona, go tiišetša Lentšu ka maswao a latela,” dilo tša mafelelo tše di ngwadilwego ka Mangwalong, ka ntle ga Kutollo. Bjale re e bona gape. E kgauswi le go Tla,

Morena. Eba le kgaogelo. Fodiša balwetši bohole bao ba lego fa mosong wo. Moya wa Gago o lokile. O maatla, gomme O fa.

²⁴¹ Gomme go na le ba bantsi mo, Morena, ba e lego batho ba tabarenekele, ba ba tlago mo. O bile kgaogelo go bona, go ba bitša.

²⁴² Gomme, efela, Morena, Se godimo ga batheeletši ka moka, feela bjale. Seetšaponagalo se segolo sa Letago, Maatla a magolo a Kriste yo a tsogilego, Molalatladi wa mebala ye mentši, alefa le Omega, Mathomo le Mafelelo, Naledi ya Moso, Rosa ya Sarona, e gona. Fodiša, Morena. Re ba kwalakwatša go fola, ka mogau wa Gago. Ba fe tumelo go e dumela, Morena, le go e amogela gonabjale, bakeng sa letago la Modimo. A nke motho yo mongwe le yo mongwe a babjago a fodišwe.

²⁴³ Gomme motho yo mongwe le yo mongwe yoo a fošagetšego, o phetše bošaedi go molekani wa bona, a nke ba swarelwé. Motho yo mongwe le yo mongwe yo a kgogago goba a nwago, a nke ba lebalelwé. A nke dibe tša bona di be ka tlase ga Madi, ka Modimo motlalagohle Yo a lego mo bjale; go molaleng bokgauswiuswi ba kilego ba ba go Yena, ka go bophelo bjhole bja bona. Efa bjale gore se se tla amogelwa.

²⁴⁴ Re kwe, Morena, O Modimo, Kgoši ya rena ye kgolo, bjalo ka ge re bitša go Leina la Gago, ka go sehla se sa mokete; e sego Santa Claus; eupša Jesu yo a tsogilego go tšwa bahung, gomme o a phela, o ipontšha Yenamong magareng ga batho ba Gagwe. O Morena, Wena o Modimo, gomme Modimo a nnoši, gomme ga go yo mongwe eupša Wena. Gomme re a Go leboga gore re na le monyetla wa go dula ka Bogoneng bja Gagwe, ka go le lennyane le, lefelo la go kokobela. O ikokobeditše ka Boyena gomme a tla magareng ga rena. Re thabetše se kudu! A go šegofatšwe Leina la Gagwe le lekgethwa! Re Mo fa tumišo, go tloga mosong go fihla bošego, le gohle go kgabola dihla tša bošego, dipelo tša rena di opela dipina le ditumišo tša Jehofa. A go lebogwe Yena, go ya go ile le go ya go ile!

²⁴⁵ Tše ba, bana ba Gago, Morena, ka tlase ga diphego tša Gago, ba alamele bjalo ka kgogotshadi e dira matswiana a yona. Ba etellepele go ya ka Bophelong bjo bo tebilego kudu, le go ya go bophelo bja lethabothabo, le go ya go bophelo bja go tlala kudu, ba fe kolobetšo ya Moya wo Mokgethwa. Mpshafatša disoulo tša bona, Morena, ka go dibopiwa tše mpsha ka go Kriste, gore O ke o phele le go dula ka go bona, le go šoma ka bona, bjalo ka barutiwa ba Gago. E fe, Morena. Ka gore, re a dumela gore ka pela leratadima le tla phulega gomme Morena wa rena o tla tla, gomme re tla Mmona Yo re mo ratago. Re a Go leboga bakeng sa se, ka Jesu Morena wa rena.

²⁴⁶ Bjale ka dihlogo tša rena di inamišitšwe, ke retollela tirelo go modiša.



O KAE, KGOŠI YA BAJUDA? NST58-1221M
(Where Is He, King Of The Jews?)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Desemere 21, 1958, ka Tabarenekeleng ya Branham, ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org